

摘藻堂四庫全書薈要

經部

欽定四庫全書薈要卷一千六百三十

經部

春秋諸傳會通卷五

元季廉撰

莊公

名同謚法勝敵克亂

左氏

莊公桓公之子母文姜桓公薨

于齊莊公立

周莊王四年

元年春王正月左氏

不稱即位文姜出故也注文姜與桓公俱行而桓為

齊所殺故不敢還莊公父弒母出故不忍行即位之禮姜於是感公意而還

公羊

何以不言即位

隱之也孰隱隱子也注隱痛是子之禍不忍言即位疏諸侯於其封內三年稱子若表臣子之心不可曠

年無君穀梁

繼弑君不言即位正也先君胡氏即位不以道終則子不忍即位也

內無所承上不請命也或曰莊公嫡長其為儲副明矣雖內無所承上不請命獨不可以享國而書即位乎曰諸侯之嫡子必誓於王莊雖嫡長而未誓安得為國儲君副稱世子也夫為世子必誓於王為諸侯可以內無所承上不請命擅有其國即諸侯之位邪春秋絀而不書父子君臣之大倫正矣

案經不書即位者隱莊閔僖四公隱公之立特以非出惠公之意與桓閔僖之繼弑者不同春秋既託始於隱以明大法矣而莊公之事又與閔僖不同蓋閔僖之立猶念念討賊故慶父叔牙卒不得志於魯今桓公見戕於齊莊公繼承之初創鉅痛深異於他公不但當請於王而即位而父仇未討亦當告於天子以國事委冢宰而專以討賊復讎為事今泰然居之曾不以父

之無辜為念則非人子矣其不書即位僅比於桓公之特書者異耳然以人子之心處莊公之時又知莊之無志非可與隱閔僖比也惟深明時義者知之若左氏以為念母則大非春秋之旨矣

### 三月夫人孫于齊左氏

不稱姜氏絕不為親禮也注莊公母文姜也魯人責之故出奔

內諱奔稱孫姜氏齊姓文姜之義宜與齊公羊內諱絕而復奔齊故於其奔去姜氏以示義

公羊

內諱奔謂

之孫夫人固在齊矣其言孫于齊何念母也正月以存君念母以首事夫人何以不稱姜氏貶曷為貶與弑公也其與弑公奈何夫人諧於齊侯曰公曰同非吾子齊侯之子也齊侯怒與之飲酒使公子彭生乘焉搯幹而殺之念母者所善也則穀梁諱奔也接練曷為於其念母焉貶不與念母也

穀梁

諱奔也接練時錄母之變



始人之也不言氏姓貶之也人之於天也以道受命  
於人也以言受命不若於道者天絕之也不若於言  
者人絕之也胡氏夫人文姜也桓公之弑姜氏與焉  
臣子大受命為魯臣子者義不共戴天矣嗣君  
夫人所出也恩如之何徇私情則害天下之大義舉  
王法則傷母子之至恩此國論之難斷者也經書夫  
人孫齊而恩義之輕重審矣梁人有繼母殺其父者  
而其子殺之有司欲當以大逆孔子孫季彥過梁對  
梁相曰文姜與弑魯桓春秋去其姜氏傳謂絕不為  
親禮也夫絕不為親即凡人耳方諸古義宜以非司  
寇而擅殺人者當之不得以逆論也人以為允故通  
於春秋然後能權天下之事矣孫者順讓之詞使若  
不為臣子所逐以全恩也哀姜去而弗返文姜即歸  
于魯例以孫書何也與聞弑桓之罪已極有如去而  
弗返深絕之也然則恩輕而義重矣河廣之詩其詞  
何取而聖人錄于國風者明宋襄公之重本亦此義

也其垂  
訓遠矣

案三傳文姜之孫左注則以為文姜既歸而復  
出奔公穀則以為文姜本未歸但因練祭時感  
夫人不與祭故錄之二說已不同然稱姜氏左  
注以為文姜宜與齊絕公穀以為魯臣子宜絕  
文姜二說又不同然考之左氏本文絕不為親  
安知非謂魯之臣子當絕文姜而不以為親乎  
但其文意不明致杜氏誤釋耳故胡氏引孔季  
彥之言而左氏之傳始明要之此條公穀皆通  
而穀梁尤精蓋文姜之罪上通于天為魯臣子  
者原先君之禍固難以嗣君夫人所出而以恩  
掩義故斷以大義而絕之所以尊統而重本也  
古聖人制禮有等哀制服有輕重三綱之設以  
夫為妻綱皆所以明天倫之正豈若禽獸知有  
母而不知有父乎胡氏之說至矣○又案經書孫

三文姜哀姜昭公也皆出奔之文文姜不書姓氏而哀姜書姓氏者哀姜與弑子之罪殺於文

姜之弑

夫也

夏單伯逆王姬

逆左氏作送

左氏

注單伯天子卿也單采地伯爵也王將嫁女于齊既

命魯為主故單伯送女不稱使也天子嫁女於諸侯使同姓諸侯主之不親昏尊卑不敵公羊單

者何吾大夫之命乎天子者也何以不稱使天子召而使之也逆之者何使我主之也注伯字也不稱使

不言如京師也如穀梁命大夫故不名也其不言如者內稱使之文何也其義不可受於京師也

何也曰君躬弑於齊使之主婦胡氏單伯者君之命姻與齊為禮其義固不可受也胡氏大夫也逆王姬

使為之主也不言如者穀梁以為義不可受於京師也此明忘親釋怨無以立人道矣

案單伯杜氏以為周大夫左氏於此條無傳而十四年單伯會伐宋則曰齊請師于周於文十四年單伯如齊則曰襄仲請以王寵求昭姬故杜氏因之且左氏經既作送王姬則單伯為王臣明矣然謂之送則張氏曰單伯果以天子大夫送王姬必俟館成之後方至魯豈得王姬以夏至而館乃秋築哉又以單伯會伐宋會齊于鄆例推之則通春秋如尹單之伐宰周公劉子之會盟亦止序諸侯之上未有書王臣會諸侯者春秋內魯凡上書會字者皆魯之君大夫也又以單伯如齊單伯至自齊例推之則通春秋未有書王臣如他國者又未有書王臣至者凡書如書至者皆內魯之文也反覆推之皆不合故陸氏纂例從公穀定以為魯之命大夫而曰諸國大夫王賜之畿內邑為號令歸國者皆書族書字同於王大夫敬之也程氏劉氏胡氏皆

從之其主左氏者只以魯無單族為疑夫既謂王命為魯卿則以單伯為周單子之族亦可但不可直以為周大夫耳任氏於單伯會郵則云制會在王師氏又謂齊以單伯主之集義亦謂單伯主之者諸侯尊王之義其說雖未嘗不通然於春秋之例不合也但單伯始見於莊元年終見於文十四年一人之身而閱歷八十歲此又不可考其書逆而不書單伯以王姬至者張氏謂別於魯之夫人○又案王申子類傳曰禮天子使其大夫監於方伯之國國三人魯大夫有單伯費伯夷伯是魯有監國三大夫也

附錄

命大

公羊

禮諸侯三年一貢於天子天子命與諸侯輔助為政所以通賢共治

示不獨專大國舉三人  
次國二人小國一人

穀梁

諸侯歲貢士于天子天子親命之使還具

國為大夫者不名天子就  
其國命之者以名氏通  
張氏  
不稱名氏蓋周禮  
所謂公之孤四命  
也

# 秋築王姬之館于外左氏

為外禮也注公在諒陰慮齊侯當親迎不忍便以禮接於

廟又不敢逆王

公羊

何以書譏何譏爾築之禮也築命故築舍于外之何以禮主王姬者必為之改

築於路寢則不可小寢則嫌羣公子之舍則已卑矣其道必為之改築者也

穀梁

築之外變之正

也變之為正何也仇讎之人非所以接婚姻也哀麻

非所以接弁冕也其不言齊侯之來逆何也不使齊

侯得與吾

胡氏

築之於外得變之正乎曰不正有三為禮也年之喪天王於義不當使之主有不

共戴天之讎莊公於義不可為之主築之於外之為

宜不若辭而不主之為正也是以君子貴端本也或

曰天王有命固不可辭使單伯逆于京師上得尊周之義為之築館于外下未失居喪之禮奚為不可曰以常禮言之可也今莊公有父之讎方居苦塊此禮之大變也而為之主婚是廢人倫滅天理矣春秋於此事一書再書又再書者其義以復讎為重示天下後世臣子不可忘君親之意故雖築館于外不以為得禮而特書之也

案諸傳公羊以築于外為非禮是知魯主王姬之常事而不知今日之齊乃讎也左氏穀梁以築于外為合禮是知齊之為讎而不知讎終不可與交則雖于外而亦非也故趙子曰與讎主昏縱在城外豈為禮乎○又案春秋書築館一築臺三築園三築邑一皆創始之文也

冬十月乙亥陳侯林卒○王使榮叔來錫桓公命

書錫命之

始左氏

注榮叔周大夫榮氏叔字錫賜也追命桓公羊公褒稱其德若昭七年王追命衛襄之比

錫者何賜也命者何加我服也其言桓公何追命也注也注不言天王者桓行實惡而追錫之悖天道也穀

梁禮有受命無來錫命錫命非正也生服之死行之禮也生不服死追錫之不正甚矣注周禮大宗伯

職曰王命諸侯則

胡氏

啖助曰不稱天王寵篡弒以瀆三綱也春秋書王必稱天

賓之是來受命

所履者天位也所行者天道也所賞者天命也所刑者天討也今桓公弒君篡國而王不能討反追命之無天甚矣桓無王王無天其失非小惡也與葬成風引為夫人使妾並嫡無以異故其文一施之范甯乃以出居于鄭來聘求車三事陳氏春秋之初亟書王為證而謂非義之所存誤矣人書來求猶有治不脩貢之事焉書來錫命猶治不稟命之張氏莊公事焉君子盖有感於此而非徒以為譏也主王



姬之昏故親魯而寵嘉  
其父遣使賜之策命

案錫命例三莊王錫桓公寵篡弒也故不書天  
王以深責之文元年襄王錫文公成八年簡王  
錫成公二公不朝又無敵愾之功遣使錫命之  
非正也然比之桓公則有間矣故仍書天亦以  
見王室之失禮也○又案王不書天者錫桓公及  
昭葬成風也范甯以為仍叔來聘家父求車其  
失不減於昭葬成風天王出居其罪尤大於錫  
桓公而皆書天則此三者非義所存舊史有詳  
畧夫子因而弗草耳胡氏以為桓公以臣弒君  
成風以妾並嫡其事皆三綱所係故其文一施  
之主何休趙子○又案錫命公羊注取禮緯說禮  
有九錫一車馬以代其步二衣服以表其德三  
樂則以化其民四朱戶以明其別五納陛以安  
其體六虎賁以備非常七弓矢使得專征八鈇

鉞使得專殺九桓邑使之祭祀皆所以勸善扶不能言命不言服者重命不重財物周禮典命百里不過九命七十里不過七命五十里不過五命穀梁注亦引九錫文而疏曰九錫與周禮九命異何休既引九錫又引九命其意以九錫即九命也今案大宗伯以九儀之命正邦國之位一命受職再命受服三命受位四命受器五命賜則六命賜官七命賜國八命作牧九命作伯則與九錫不同矣舊解九錫之名與馬大輅戎輅各一玄馬二也衣服玄衮也樂則軒縣也朱戶所居之室朱其戶也納陛從中階而升也虎賁三百人也弓矢彤旅之弓矢也鉞鉞大柯斧賜之專殺也桓邑桓宅之酒盛以圭瓚之中以祭禮也胡氏於文元年傳曰黻冕圭璧因其終喪入見而賜之車馬衮黻因其歲時來朝而錫之彤弓旅矢因其敵愾獻功而錫之然參之

諸書平王命晉文侯以柎弓矢虎賁宰孔賜齊侯受命賞服大輅龍旗九旒渠門赤旂襄公命晉文公亦以大輅之服戎輅之服彤弓鉞鉞柎宅虎賁而已則古者策命之典亦不過如此何休范甯本得之但其所引出禮緯文白虎通則漢儒以漢法附會增益之也胡氏取禮及詩為證而分為三事蓋詩人之詞不過言其大槩其實有功亦可以賜車馬散冕也王命士會以散冕是矣又考之左傳文元年毛伯錫命注曰諸侯即位天子賜以命圭莊二十七年惠王使召伯廖賜齊侯命不言所命杜氏直謂命為侯伯襄十四年靈王使劉定公賜齊侯命曰昔伯舅大公右我先王股肱周室師保萬民世胙大師以表東海王室之不壞繫伯舅是賴今余命女環茲率舅氏之典纂乃祖考無忝乃舊敬之哉無廢朕命昭七年衛告喪請命景王使成簡公

如衛弔且追命襄公曰叔父陟恪在我先王之左右以佐事上帝余敢忘高圉亞圉而命晉文之辭亦有策書以此觀之則錫命有命辭有命物矣又或止有命辭而無命物亦未可知也有命辭有命物者如後世以璽書褒賞功臣增秩賜金是也止有命辭者如後世賜手詔褒美是也要之三傳之說皆可通○又案韋昭國語晉文命下注云命服也諸侯七命冕服七章賜晉惠公命下又曰賜瑞其說又不同見文元年○又案策命晉侯為侯伯下杜注曰九命作伯是既加以九命之伯又加以九錫之賜則何氏兼引九錫九命亦自有見

王姬歸于齊公羊

何以書我主之也

穀梁

為之中者歸之也

胡氏

魯主王姬

之嫁舊矣在他公時常事不書此獨書者以歸于齊故也逆于京師築館于外而不書歸于齊則無以見

其罪之存也書歸于齊而後忘親釋  
怨之罪著矣春秋復讎之義明矣

案書王姬歸齊二此年及十一年也此歸襄公十一年歸桓公

齊師遷紀邢鄆部

書遷

左氏

注齊欲滅紀故徙其地

胡氏

邢鄆部者紀三邑也邑不言遷遷不言師其以師遷之者見紀民猶足與守而齊人強暴用大衆以迫之為己屬也凡書遷者自是而滅矣春秋興滅國繼絕世則遷國邑者不再貶而罪已見

案此傳惟杜氏得之穀梁以紀為一國邢鄆部部為一國是齊人舉而遷二國已謬戾而又舉或曰遷紀于邢鄆部則經文無于字此范氏所以未詳也公羊知邢鄆部部為紀邑而又以春秋大襄公之復讎故為諱而不書取皆非也不可据○又案經書遷人國邑三齊師遷邢鄆部十年宋

人遷宿閔二年齊人遷陽是也宿與陽皆國而  
邢部部為紀邑遷宿遷陽皆書人而遷邢部部  
書師此春秋特  
筆著齊之罪也

二年春王二月葬陳莊公○夏公子慶父帥師伐於餘

丘魯孟氏得

左氏

注莊公時年十五則慶父  
莊公庶兄於餘丘國名

公羊

於餘  
丘者

何邾婁邑也曷為不繫乎邾婁  
國之也曷為國之君存焉爾穀梁

國而曰伐於餘  
丘邾邑也其曰

伐何也公子貴矣師重矣而敵人之  
邑公子病矣病公子所以譏乎公也

胡氏

國而曰伐  
此邑爾其

曰伐何也誌慶父之得兵權也莊公  
幼年即位首以慶父主兵卒致子般之禍於餘丘法不當書聖人特

書以誌亂之所

由為後戒也

案胡氏曰魯在春秋中見弑者三君其賊未有不得魯國之兵權者公子翬再為主將專會諸侯不出隱公之命仲遂擅兵兩世入祀伐邾會師救鄭三軍服其威令之日久矣故翬弑隱公而竊氏不能明其罪慶父弑子般而成季不能遏其惡公子遂弑惡及視而叔仲惠伯不能免其死夫豈一朝一夕之故哉春秋所書為戒遠矣故一經書魯大夫帥師伐國者九伐邾七伐莒一獨於餘丘以邑而書伐亦春秋特筆欲以起問者察事情也○又案胡氏以於餘丘為邾邑從公穀以慶父為莊公兄主杜氏何休以慶父為公弟杜氏陸氏以於餘丘為國穀梁以伐邑為病公子皆不合

秋七月齊王姬卒穀梁

為之主者卒胡氏

比內女為之服也檀弓曰

齊晉王姬之喪魯莊公為之大功或曰由魯嫁故為之服姊妹之服莊公於齊王姬厚矣如不共戴天之念何所謂不能三年而緦小功之察也特卒王姬以著其罪

冬十有二月夫人姜氏會齊侯于禚

禚齊地公羊作部

左氏

書姦

也穀梁

婦人既嫁不踰竟踰竟非正也婦人不言會言會非正也饗甚矣

胡氏

婦人無外

事送迎不出門見兄弟不踰閭在家從父既嫁從夫夫死從子今會齊侯是莊公不能防閑其母失子道也故趙匡曰姜氏齊侯之惡著矣亦所以病公也曰子可制母乎夫死從子通乎其下沉於國君君者人神之主風教之本也不能正家如正國何若莊公者哀痛以思父誠敬以事母咸刑以督下車馬僕從莫不俟命夫人徒往乎夫人之往也則公威命之不行哀戚之不至爾



乙酉宋公馮卒

三年春王正月溺會齊師伐衛左氏

疾之也注溺魯大夫疾其專命而行

故去

公羊

溺吾大夫之未命者也

穀梁

公子溺也其不稱公子何也惡其會仇讎伐同

氏

姓故貶而

胡氏

有父之讎而釋怨其罪大矣況與陳合黨興師伐人國乎餘見穀梁

名之也

氏

隱桓莊之世吾大夫會伐恒名之自公孫茲不貶矣

案公子溺之為貶左氏穀梁同但左氏傳文不詳故杜預放公子翬例釋之不知何所據也考之三傳左氏則曰衛朔出奔二公子立黔牟何休則據世本史記以為衛朔背叛出奔天子新立公子留范氏則以為齊受天子罪人為之興師而魯同之然則黔牟與留雖未知孰是而此

時衛朔在齊齊欲納之明矣齊黨罪人固不足責而莊公新立寢苦枕戈莫先於率國人以同仇舍是不顧而二年伐於餘丘三年伐衛又且同齊師以往此何心哉左氏疾之之說固得之惜乎注者之無見也餘見翬帥師下

夏四月葬宋莊公○五月葬桓王左氏

緩也注王以桓十五年三月崩

七年乃葬

公羊

蓋改葬也

胡氏

緩也天子七月而葬同軌畢至諸侯五月同盟至大

夫三月同位至士踰月外姻至王崩至是蓋七年矣先儒或言天子不志葬又以為不言葬者常也夫事孰有大於葬天子者而可以不志乎死生終始之際入道之大變豈以是為常事而不書也

案桓王之葬公羊用緯書感精符說以為恒星不見星隕如雨周人榮奢改葬桓王之應其說

不經穀梁又引或說以為周人卻尸以求諸侯之會葬劉氏張氏亦主之然非人情也穀梁又曰天子志崩不志葬亦非也穀梁曰志葬故也危不得葬也亦非其釋天子之義曰獨陰不生獨陽不生獨天不生三合然後生故曰母之子也可天之子也可尊者取尊稱焉卑者取卑稱焉其曰王者民之所歸往也此雖無關於春秋之義而數語尤精先儒亦取之故記焉○又案春秋十三王志葬者桓莊匡簡景而已諸侯之臣可知也○又案桓王以隱公三年立其年即有周鄭交惡之事而祭足取溫之麥成周之禾矣隱五年曲沃莊伯伐翼以支戕宗而王又使尹氏武氏助之六年鄭伯朝周而王又不禮焉八年虢公忌父始作卿士于周九年鄭人假王命以討宋十一年王又取鄆劉為邾之田于鄭君子是以知桓王之失鄭矣故桓五年有緇葛之

敗七年而齊鄭衛伐盟向王遷盟向之民於郟  
雖畿內之地亦不能保矣十年又為詹父伐虢  
是又助臣伐君何以示其下故自納后聘魯外  
皆無見於經傳者十五年而崩在位二十五年  
子莊王立越七年始葬考之傳文惟桓十八年  
傳曰周公欲弑莊王立王子克辛伯告王遂與  
王殺周公黑肩王子克奔燕初子儀有寵於桓  
王桓王屬諸周公辛伯諫曰並后匹嫡兩政耦  
國亂之本也周公不從故及繇此觀之豈非王  
室有子儀黑肩之亂乎此王室事不經見附于  
此

秋紀季以鄫入于齊

鄫紀邑在齊東安平縣

左氏

紀季以鄫入于齊紀於是乎始

判公羊

紀侯之弟也何以不名賢也何賢乎紀季魯子曰請後五廟以存姑姊妹注賢之者以存

先祖之功則除出奔之罪明其知權言入穀梁鄫紀

之邑

者難詞賢季有難去兄入齊之心故見之

穀梁

鄫紀

也入于齊者以鄫事齊也入者內弗受也注紀國微

弱齊將吞并紀季深覩存亡之機大懼社稷之傾故

超然遐舉以鄰事齊庶嗣不泯宗廟永存春秋賢

之故褒之齊受人之邑而滅人之國故於義不可受

也

胡氏

大夫不得用地公子不當去國盜地以下敵棄君以避患非人臣也故春秋之義私逃者

必書奔有罪者必加貶今季不書奔則非竊地也不

書名則非貶也諸侯兄弟貶則書名宋辰秦鍼之類

是也不貶則書字蔡季許叔之類是也紀季所以不

書奔者有紀侯之命矣所以不書名者天下無道強

衆相陵天子不能正方伯不能伐屈已事齊請後五

廟其亦不得已而為之者所以無貶乎入云者難詞

也

陳氏

紀侯在而季以鄫入齊若以邑叛然是紀侯意也季不稱字則疑於宋魚石邾庶其

也

崇春秋書以地出奔者邾庶其莒牟婁邾黑肱是也書名書地而竊邑叛君之罪著矣書大夫入于莒者宋魚石晉欒盈是也書地書復入而據邑叛君之罪見矣今季不書奔不書名所以別於二例也不書弟明非紀侯之薄也書入所以罪齊而閔季也春秋所以如此書者原季之情免季之罪不使與其他公子去國者比耳故紀季之事謂之不貶則可謂之知權亦可如以為賢而褒之則恐未可與微子適周例論也餘見蔡季下○又案趙子曰諸侯兄弟以國連字者蔡叔許叔紀季蔡季皆國而字之言與君一體也

冬公次于滑

書次之始滑鄭地公羊作郎

左氏

將會鄭伯謀紀故也鄭伯辭以難凡師一

宿為舍再宿為信過信為次

公羊

其言次于郎何刺欲救紀而後不能也

穀梁

次止也有

畏也欲救紀而胡氏春秋紀兵伐而書次以次為譏次于滑以

不能也注畏齊

胡氏

救而書次以次為譏次于滑以

譏之也趙匡言夫子意在刺無王命若譏其怯懦則當褒其勇者春秋乃鼓亂之書也其說誤矣易於謙

之六五則曰利用侵伐師之六四則曰左次无咎進退勇怯顧義如何耳豈可專以勇為鼓亂而不與也

張氏

公之次師于滑將以鄭之不會而辭于紀耳非實有救紀之心也彼於父之讎尚忘之豈真有

心於存紀哉書次滑見師出無名以深譏之

案春秋公書次惟莊公與昭公耳二公皆無志之君也以為莊之不競無異於昭之失國也莊之經書次者三此年次滑書公八年次郎書師三十年次成不書公不書師甚矣莊之不競於齊也君父死焉不能討謀紀而齊滅紀及齊圍邾而邾降于齊救鄆而鄆卒不免師出何名哉

此救而不書救者不以救予公也書  
救則疑於翦北雍榆矣餘見八年

四年春王二月夫人姜氏享齊侯于祝丘

祝丘魯地穀梁饗

矣饗齊侯所以病齊侯也

胡氏

享者兩君相見之禮所以訓共儉也兩君相見享于廟中禮也犧象

不出門嘉樂不野合非兩君相見又去其國而享諸侯甚矣

三月紀伯姬卒公羊

注禮天子諸侯絕期大夫絕總天子惟女之適二王後者諸侯惟女

之為諸侯夫人者思得申故卒之

夏齊侯陳侯鄭伯遇于垂胡氏

蘇轍曰子儀也桓十五年書突出奔蔡忽歸于

鄭是年九月突入于櫟十七年高渠彌弑忽立子亶十八年齊襄公殺子亶鄭人立子儀莊十四年突使



傳瑕殺子儀而入則過于垂者子儀也然則鄭有二君可乎春秋有一國而二君者鄭突與儀衛衎與剽是也突衎始終為君子儀君鄭十有四年剽君衛十有一年皆能君者也故春秋因其實而君之然則孰與曰皆不與也突之入以篡衎之出以惡儀剽雖國人所立而突衎在焉非所以為安也故四人者春秋莫適與也皆不設其實耳君子不幸而處於此如子臧季札可也不如此則亂不止為此說者善矣然而鄭伯實厲公張氏三國遇垂也非子儀也謀取紀也

案垂之遇三傳皆無文

紀侯大去其國左氏

紀侯不能下齊以與紀季夏紀侯大去其國違齊難也

穀梁

大去者不遺一人之辭也言民之從者四年而後畢也紀侯賢而齊侯滅之不言滅而曰大去者不使小

人加乎

胡氏

凡大閱大雩大蒐而謂之大者譏其僭也大

君子

無者志倉廩之竭也大去者土地人民儀章

器物悉委置之而不顧也或曰以爭國為小而不為以去國為大而為之者也夫守天子之土疆承先祖之祭祀義莫重焉委之而去無貶毀曰有國家者以義言之世守非身之所能為則當效死而弗去以道言之不以其所以養人者害人亦可去而不守於斯二者顧所擇如何爾然則擬諸大王去邠之事其可以無愧矣曰大王去邠從之者如歸市紀侯去國日以微滅則何大王之可擬哉故聖人與其不爭而去而不與其去而不存與其不爭而去是以異於失地之君而不名不與其去而不存是故書叔姬歸鄆而不錄紀侯之卒明其為君之末矣

陳氏

諸侯

去國恒書奔此不以奔罪加紀侯也不以奔罪加紀侯何罪齊也黃之會魯為之求成而不得免焉遷邢鄆部紀之不絕如綫也紀季以鄆入齊又不得免焉則有去而已矣失國如紀侯庶幾有辭焉故不以奔罪加紀侯也然則何

以罪齊書曰紀侯大去其國未知紀之自亡與人之亡之與曰齊侯葬紀伯姬則齊亡之也

案大去之說左氏穀梁略同惟公羊以為紀侯之祖譖齊哀公於周懿王而烹之故春秋大齊之復讎其說曰大去者何滅也孰滅之齊滅之曷為不言齊滅為襄公諱也春秋為賢者諱何賢乎襄公復讎也何讎爾遠祖也哀公烹乎周紀侯譖之以襄公之為於此焉者事祖禰之心盡矣盡者何襄公將復讎乎紀卜之曰師喪分焉寡人死之不為不吉也遠祖者幾世乎九世矣九世猶可以復讎乎雖百世可也家亦可乎曰不可國君一體也今紀無罪此非怒與曰非也古者有明天子則紀侯必誅必無紀者紀侯之不誅至今有紀者猶無明天子也古者諸侯必有會聚之事相朝聘之道號辭必稱先君以相接然則齊紀無說焉不可以並立乎天下故

將去紀侯者不得不去紀也有明天子則襄公  
得為若行乎曰不得也不得則襄公曷為為之  
上無天子下無方伯緣恩疾者可也注曰齊侯  
謂死為吉者復讎以死敗為榮也此語甚善但  
以論魯莊之復讎則可以論齊襄之復讎則不  
可蓋敵惠敵怨不在後嗣故胡氏以為傳者借  
此以深罪魯莊之不能復讎耳○又案紀侯之去  
程子以大為紀侯名書名貶其失守比於梁亡  
齊殲鄭棄其師  
之例恐不可從

六月乙丑齊侯葬紀伯姬左氏

注紀季以鄆入齊為附庸而紀侯大去其國齊

侯加禮物以紀國夫人禮葬之

公羊

外夫人不書葬此何以書隱之也何隱爾國亡矣徒葬於齊爾

胡氏

不稱齊人而目其君者見齊衰迫逐紀侯使之去國雖其夫人在殯而不及葬然後襄公之罪

著矣或曰葬之禮也而以為著其罪何也弑魯君滅其婚姻之國而葬其女是猶加刃於人以手撫之也而可以為禮乎斥言齊侯賤之也或曰惡其詐也如紀似禮存季似義葬伯姬似仁惡似而非者惡芳恐其亂苗也

案春秋內女書葬者三人此與紀叔姬宋姬皆閔之也

秋七月○冬公及齊人狩于禚

禚公羊作部

左氏

注公越竟與齊微者

俱狩失禮可知

公羊

公曷為與微者狩齊侯也齊侯則其稱人何諱與讎狩也前此者有事矣後此

者有事矣則曷為獨於此焉譏於讎者將壹譏而已故擇其重者而譏焉莫重乎其與讎狩也於讎則曷為將壹譏而已讎者無時焉可與通通則為大譏不可勝譏故將壹譏而已其餘從同同穀梁齊人

者齊侯也。卑公之敵，所以卑公也。何？胡氏莊公於齊為卑公，不復讎而怨，不釋刺釋怨也。天則無時焉，可通也。而與之狩，是忘親釋怨，非人子矣。夫狩者，馳騁曰獵，其為樂下主乎？己一為乾豆，其事上主乎？宗廟以為有人，人心者宜於此焉。變矣，故齊侯稱人，而魯公書及以著其罪。

案三傳惟杜氏以為微者公穀皆以為齊侯，胡氏從公穀，餘已見桓四年。

五年春王正月○夏夫人姜氏如齊師穀梁

師而曰胡如衆也。

氏師者衆多之地。案齊詩載驅刺襄公，無禮義盛其車服疾驅於通道，大都與文姜淫之詩也。曰汶水

湯湯行人彭彭魯道有蕩，齊子翱翔彭彭者多貌也。曰會曰享，猶為之名也。至是如齊師，羞惡之心亡矣。

秋郕黎來來朝

郕公羊作倪，黎左氏作犁。東海昌慮縣東北有郕城。

左氏

名未王命也。注

未受爵命為諸侯發附庸稱名例也其後

公羊

小邦婁則

數從齊桓以尊周室王命以為小邦子

胡氏

國何

曷為謂之倪未能以其

穀梁

微國之君未爵命者也

胡氏

以名

夷狄之附庸也中國附庸例書字邦儀父蕭叔是也

夷狄附庸例書名邦黎來介葛盧是也能修朝禮故

特書朝其後王命以為小邦

子蓋於此已能自進於禮矣

案邾以僖七年書小邾子其來朝五此年及僖

七襄七昭三昭十七年也其後復役於宋故宋

仲幾曰滕薛邾吾役也其不得與儀父書字例

者未能同於中國也其不與介葛盧書來例者

已能進

於禮也

冬公會齊人宋人陳人蔡人伐衛左氏

納惠公也

公羊

此伐衛何

納朔也曷為不言穀梁是齊侯宋公也其曰人何也納衛侯朔辟王也

何也逆天胡氏桓十六年衛侯朔出奔齊經書其名王之命也胡氏者以王命絕之也又黨有罪以納之

故貶而稱人餘同穀梁

案公會伐書人陳氏以莊二十六年伐徐例通之而曰凡會伐有諸侯在焉則其大夫稱人有諸侯而在大夫不稱人自齊國佐始恐難從

六年春王正月壬子突救衛

正月公穀作三月因此書救之始

左氏

王人救衛注王人王之微官也雖官公羊王人者何卑而見授以大事故稱人而又稱字公羊微者也子

突者何貴也貴則其稱人何繫諸人也曷為繫諸人王人耳注朔在岱陰齊時使可致一夫可誅而緩令



交連五國之兵伐天子所立還以自納王遣貴子突卒不能救遂為天下笑故為王者諱使若遣微者為愈因為內穀梁王人卑者也稱名貴之也善救衛也殺惡也

字誤

胡氏

王人微者子突字也以卜士之微起從大夫之例而書字者褒救衛也朔臨其兄使

至於死罪固大矣然其父所立諸侯莫得而治也王治其舊惡而廢之可也又藉諸侯之力抗王命以入國是故四國之君貶而稱人王人之微嘉而書字或曰子突王之子弟也用兵大事而委諸子弟使無成功故書人以譏之必若此言是春秋以成敗論事而不計理也使諸侯苟顧逆順之理子突雖微自足以申王命矣彼既肆行莫之顧也雖天子親臨將有請從如祝聃者況其下乎子突不勝五國使之得入其亦不幸焉爾矣幸不幸命也守義循理者法也君子行法以俟命故其褒貶如此

案春秋王師之出而合司馬九伐之法者惟此  
一事故雖以微者而書字以褒之若公羊以為  
王之子弟若王子瑕之類則恐非也通經書王  
人三胡氏曰王朝下士書人故救衛之王人與  
盟洮之王人皆下士也但救衛為義事則特書  
字盟洮不以奉命而出則但序公侯之上以尊  
王命耳至於翟泉之王人左氏以為王子虎則  
本非下士但春秋貶之而同於下士之例此變  
文也○又案通經書救二十三始於王之救衛終  
於吳之救陳胡氏例曰凡書救者皆善辭救者  
善則伐者不善矣而陳氏曰救不書必救而無  
功也然後書自救衛無功而後王命益不行於  
天下此說亦是但胡氏得聖人恤患之大義陳  
氏得聖人憂世之微情皆可通其餘次救救次  
救至以救  
等例見後

夏六月衛侯朔入于衛秋公至自伐衛左氏

夏衛侯入放公子黔

年于周放甯跪于秦殺左公子洩右公子職乃即位  
君子以二公子之立黔牟為不度矣夫能固位者必  
度於本末而後立哀焉不知其本不謀知本之  
不枝弗強詩云本枝百世注書入以國逆告也

公羊

何以名絕之曷為絕之犯命也其言入何篡辭也  
何以致伐不敢勝天子也注据傳例不得意致伐

穀

梁

其不言伐衛納朔何不逆天王之命也入者內弗  
受也何用弗受也為以王命絕之也朔之名惡也

朔入逆則出順矣朔出入名以王命絕之也惡事不  
致此其致何也不致則無用見公之惡事之成也

胡氏

入有二義一難詞一逆詞也朔藉諸侯之力連  
五國之師拒王官之微者以復歸于衛其勢宜

無難矣而書入者逆王命也春秋大義在於天下為  
公選賢與能而不拘大人世及之禮雖以正取國未

之貴也。況殺其兄以逆王命乎？故衛朔書名書入以著其惡。王人書字書敕以著其善。外則諸侯書人內則莊公書至而春秋之情見矣。

案春秋書奔君復國皆稱復歸鄭世子忽衛侯鄭衛侯衎皆與其復也。衎初入夷儀不稱歸未得國也。獨衛侯朔之入衛與鄭伯突入櫟同文。故穀梁曰：篡辭也。然春秋於諸侯繼世有父命則得書即位。齊景公逐陽生而立孺子荼與衛宣之殺伋齊而立朔一也。陳乞之迎陽生與洩立黔牟一也。春秋以陳乞君荼而陽生書入說者謂荼有父命則朔獨無父命乎？由此觀之則雖有父命而亂倫失正又當以君命為辱矣。胡氏謹始例說好。

# 附錄公羊公羊

至例

得意致會不得意致伐注所伐國服兵解國安故不復錄兵所從來

獨重其本會之時即伐鄭會蕭魚至會是也所伐國不服兵將復用國家有危故重錄所從來如伐鄭盟亳北至伐鄭是也此謂公與二國已上也公與一國及獨出用兵得意不致不得意致伐公與二國已上出會盟得意致會不得意不致公與一國出會盟得意致地不得意不致疏得意致會者以其成會也不得意不致者無功可言也得意致地者以離不成會故也不得意不致者無功可致矣

螟○冬齊人來歸衛俘

左氏注公穀經傳皆作衛寶此傳亦言寶疑經誤

左氏

齊人來歸衛寶文姜請之也注公親與齊共伐衛事畢而還文姜淫於齊侯故求所獲珍寶使以歸魯欲說魯以公羊此衛寶也則齊人曷為來歸之衛人歸之也衛人歸之則其稱齊人何讓乎我

也其讓乎我奈何齊侯曰此非寡人之力魯侯之力也注書者極惡魯犯命復貪利也寶者玉物之凡名定八年傳曰寶者何璋判穀梁以齊首之分惡於齊白弓繡質龜青純是也使之下齊而來

我然惡戰則殺矣注若衛自歸寶於齊過齊胡氏俘然後與我齊首其事則我與王入戰罪差減

二傳以為寶案商書稱遂伐三股俘厥寶王則俘者

正文也寶者釋詞也言齊歸衛寶則知四國皆受朔

之賂矣春秋特書此事結正諸侯之罪也夫以弟弑

兄臣弑君篡居其位上逆天王之命人理所不容矣

彼諸侯者豈其弗察而援之甚力則未有以驗其喪

心失志迷惑之端也及書齊人歸寶然後知其有欲

貨之心而後動於惡也世衰道微暴行交作徇于貨

寶賄賂公行春秋書此結正諸侯之罪垂戒明矣

案春秋嚴賄賂之禍魯齊陳鄭之立督也以部  
鼎也魯齊宋陳蔡之納朔也以衛寶也晉平公

以十一國會夷儀而與崔杼成也以宗器樂器也是三役者皆定篡弑也春秋於郕鼎書取蔽罪於魯也於衛俘書來歸首惡於齊也重丘之盟書同以同情罪伯主及諸侯則不必書所賂矣○又案歸俘似與遺俘字義相類當在獻捷例不可考

附錄

左氏寶玉分器說

左氏

昭十二年楚靈王謂令尹子革曰昔我先王熊繹與呂伋

王孫牟燮父禽父並事康王四國皆有分我獨無有今吾使人於周求鼎以為分王其與我乎對曰齊王舅也晉及魯衛王母弟也楚是以無分而彼皆有昭十五年景王謂晉籍談曰唐叔成王之母弟也密須之鼓與其大路闕鞏之甲唐叔受之以處參虛定四年衛祝鮀對襄弘曰成王分魯公以大路大旂夏后氏之璜封父之繁弱備物典策官司彝器分康叔以大路少帛綰棧旃旌大吕分唐

叔以大路密須之鼓闕鞏沽洗三者  
皆叔也而有令德故昭之以分物

七年春夫人姜氏會齊侯于防

防魯地

左氏

齊志

穀梁

婦人

不會會

非正也

夏四月辛卯夜恒星不見夜中星隕如雨

夜穀梁作昔隕公羊作賈

左氏

恒星不見夜明也星隕如雨與雨偕也注恒常也謂常見之星四月五日月光尚微蓋日光不

以昏沒如而也星落而且雨其數多皆記異也日光不匿而知夜中者以水漏知之

公羊

恒星者列

星也列星不見何以知夜之中星反也如雨者何非雨也非雨則曷為謂之如雨不修春秋曰雨星不及地尺而復君子修之曰星賈如雨何以書記異也注不修春秋謂史記也列星者天之常宿諸侯之象周



四月即夏二月昏參伐狼注之宿當見參伐西方主  
斬艾斷割狼注南方主持衡平皆滅者法度廢絕威  
信陵遲之象星實未墜而夜中星反者房心見其虛  
危斗房心天子明堂虛危齊分其後齊桓行伯陽穀  
之會有穀梁恒星者經星也日入至於星出謂之昔  
王事何用見其中也失變而錄其時則夜中

矣著於上見於下謂之雨著於下不見於上謂之隕  
注此解經不言雨星而言隕星也如而也星既隕而

復雨也胡氏恒星者列星也如雨者言衆也人事感於  
下則天變動於上前此者五國連衡旅拒

王命後此者齊桓晉文更伯中國政歸盟主而王室  
遂虛其為法度廢絕威信陵遲之象著矣漢成帝永  
始中亦有星隕之異而五侯擅權賊莽居攝漢之宗  
支掃蕩幾盡天之示人顯矣春秋謹於天象至矣

張氏

此王運將終而  
伯統方作之祥

案此條胡氏專主何休而如雨之說主啖子其  
以如為而者左氏穀梁同之一經星異例五〇又  
案經書星隕隕石隕霜於隕字有先後之異者  
蓋星則在天有象先見星而後見其隕石與霜  
皆隕而後見也

# 秋大水無麥苗左氏

秋無麥苗不害嘉穀也注今五月  
周之秋平地水出漂殺熟麥及五

稼之苗黍稷尚可  
更種故曰不害

## 公羊

一災不書待無麥然後穀梁  
書無苗何以書紀災也

高下有水災曰大  
水麥苗同時也

## 胡氏

書大水畏天災也無麥苗重  
民命也畏天災重民命見王

者之心矣忽天災而不懼輕民命而不  
圖國之亡無日矣春秋所以謹之也

案書無麥苗者重天災  
大無麥禾者謹國用也

冬夫人姜氏會齊侯于穀

穀齊地

胡氏

防魯地穀齊地初會于禚次享于祝

丘又次如齊師又一歲而再會焉其為惡益速矣明年無知弑諸兒其禍淫之明驗也

案魯與齊會于穀者三此年及莊二十三年之遇文十七年之盟也杜氏以為齊地濟北穀城

縣莊三十二年城小穀即此今城中有管仲井士句侵齊至穀亦此

八年春王正月師次于郎以俟陳人蔡人左氏

注期共伐邾陳

蔡不至故駐師于郎以待之

公羊

次不言俟此其言俟何託不得已也疏凡言及者汲汲之詞若

此時已出師其間更無所待即下文言及乃是魯人汲汲之甚者便是魯人欲滅同姓孜孜之深是以託待陳蔡以辟之加穀梁

次止也

胡氏

用大衆曰師次止也伐而次者

以者辟實俟也

有整兵慎戰之意其次善之也遂伐楚次于陘是也  
救而次者有緩師畏敵之意其次譏之也次于匡于  
聶北于雍榆是也俟而次者有無名妄動之意次于  
郎以俟陳蔡是也何俟乎陳蔡或曰陳蔡將過我俟  
而邀之也或曰魯將與陳蔡有事於鄰國而陳蔡不  
至故次于郎以待之也若是皆非義矣其曰次日以  
俟者深陳氏此吾君將也何以稱師莊之會齊皆  
貶之也陳氏譏也莫甚於及圍郕是故一貶之

案春秋書內外之次十二胡氏分三例伐而次  
善之也救而次貶之也次而俟無名之師也莊  
三年公次滑二十年師次成皆可入救而次之  
例襄元年仲孫蔑會四國次鄆可入伐而次之  
例莊十年齊宋次郎可入無名之例又有次而  
伐者亦貶楚蔡次厥貉齊衛次五氏垂葭蘧蔡  
也胡氏例明矣獨次而救救而次亦當有分別  
而胡氏未及之則啖子說可取也見雍榆下

甲午治兵

治公羊作祠

左氏

治兵于廟禮也注治兵公羊祠于廟習號令將以圍邠

兵

者何出曰祠兵入曰振旅其禮一也皆習戰也何言乎祠兵為久也曷為為久吾將以甲午之日然後祠

兵於是注諱為久留辭穀梁出曰治兵習戰也入曰使若無欲滅同姓之意振旅習戰也治兵而陳

蔡不至矣兵事以嚴終故曰善陳者不戰此之謂也善為國者不師善師者不陳善陳者不戰善戰者不

死善死胡氏此治兵于郎也俟而不至暴師露衆役者不亡久不用則有失伍離次逃亡潰散之虞

故復申明軍法以整齊之張氏治者不其志非善之也譏黷武也治者也

祭周禮中春教振旅遂以蒐中夏教蒐舍遂以蒐中春秋教治兵遂以獮中冬教大閱遂以狩然春秋有書治兵大閱者其只講武而不及於獮狩乎有書蒐書狩者其兼及於振旅大閱乎左

氏曰治兵于廟趙氏以為兵旅之事非廟中所容是也穀梁治兵之義甚善但注者以為于莊公能以嚴終則失之矣

夏師及齊師圍邾邾降于齊師

邾公羊作成

左氏

夏師及齊師圍邾邾

降于齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑務修德以待時乎秋師還公羊

成者何盛也曷為謂之成諱滅同姓也曷為不

言降吾師辟之也注辟滅同穀梁其曰降于齊師何姓也言及者起魯實欲滅之不使齊師加威於邾也注使胡氏書及齊師親仇讎也圍邾者伐同姓若邾自降也邾降于齊師者見伐國無義而不

能服也於是莊公之惡著矣

案春秋書圍國二十五始於此而終於宋人之圍曹

秋師還左氏

注時更善公克已復禮全軍而還故特書師還

公羊

還者何善詞也此滅同姓

何善爾曰師病矣冒為病之非穀梁還者事未畢也師之罪也注病者慰勞其罷病而以此未畢為文者蓋辟滅胡氏書師還譏久役也案同姓之國示不卒其事左氏則國君上將親

與圍郕之役也然其次其及其還皆不稱公者重衆也春秋正例君將不言帥師則以君為重今此不稱公又以為重衆何也輕舉大衆妄興久役俟陳蔡而陳蔡不至圍郕而郕不服歷三時而後還則無名黷武非義害人未有如此之甚也至是師為重矣義繫於師故不書公以著勞民毒衆之罪為後戒也春秋王道輕重之權衡此類是矣

案春秋書還例四歸父還自晉公還自晉士句  
侵齊聞喪乃還皆善詞也獨此年師還則異乎  
是矣故胡氏皆  
不從三傳之說

冬十有一月癸未齊無知弑其君諸兒

杜氏以長歷推之癸未十一月

六月

左氏

齊侯使連稱管至父戍葵丘瓜時而往曰及瓜而代期戍公問不至請代弗許故謀

作亂僖公之母弟曰夷仲年生公孫無知有寵於僖公衣服禮秩如適襄公絀之二人因之以作亂冬十二月齊侯遊于姑蘇遂田于貝丘見大豕從者曰公子彭生也公怒曰彭生敢見射之豕人立而啼公懼隊于車傷足喪屨反誅屨於徒人費弗得鞭之見血走出遇賊于門刼而束之費曰我奚御哉袒而示之背信之費請先入伏公而出闕死于門中石之紛如死于階下遂入殺孟陽于牀見公之足于戶下遂弑



之而立無知初襄公立無常鮑叔牙曰君使民慢亂將作矣奉公子小白出奔莒亂作管夷吾召忽奉公

子糾來奔注小白僖公穀梁大夫弑其君以國氏庶子糾糾小白庶兄

穀梁

者嫌也弑而代之也

胡

氏無知曷為不稱公孫而以國氏罪僖公也弑君者無知於僖公何罪乎不以公孫之道待無知使恃


寵而當國也案無知者夷仲年之子年者僖公母弟也私其同母異於他弟施及其子衣服禮秩如適此亂本也故於年之來聘特以弟書於無知之弑不稱公孫著其有寵而當國也垂戒之義明矣古者親親與尊賢並行而不相悖故堯親九族必先明俊德而後九族睦周封同姓必庸康叔蔡仲而後王室強徒知寵愛親屬而不急於尊賢使為儀表以明親親之道必有篡弑之禍矣案左氏徒人費石之紛如皆能死節者也春秋重死節之臣而法有特書其不見于經何也如費等者所謂便嬖私暱逢君之惡者與大

臣孔父仇牧以身死其職則異矣  
致亂之臣死不償責又何取乎

案齊自僖公九年入春秋以賜履之舊得十二  
之強石門瓦屋之盟已駸駸乎有糾合之漸然  
迹其平生始於資鄭繼而求魯繼而平宋衛及  
其勢盛黨合於是伐宋入許立督無所不至迨  
惡曹之盟哀然為三國之長矣自是以來無非  
謀許之日至桓十四年而襄公立定許叔而托  
繼絕之禮誅高渠彌以假討罪之義即位之初  
猶有可言至於魯桓之弑天理滅絕莊元年而  
遷邢鄆部矣三年而伐衛矣四年而滅紀矣五  
年而合五國以納朔矣六年而邢又降矣雖禍  
淫之驗卒賊其身然東州小伯規模略定餘威  
振乎殊俗久矣桓公襲三世積累之餘九合之  
盛夫豈無其自哉



春秋諸傳會通卷五



覆校官檢討臣李學錦

校對官檢討臣郭寅

謄錄監生臣許祖懷

欽定四庫全書薈要

經部

春秋會通卷六

七

詳校官原任侍講<sub>臣</sub>王燕緒



欽定四庫全書薈要卷一千六百三十一

經部

春秋諸傳會通卷六

元李廉撰

莊公

九年春齊人殺無知左氏

初公孫無知虐于  
雍廩雍廩殺無知

穀梁

稱人以殺

殺有罪也

胡氏

殺無知者雍廩也而曰齊人者討賊之詞也弑君之賊人人之所得討故稱人人者

衆詞也無知不稱君已不能君齊人亦莫之君也

公及齊大夫盟于訖

訖魯地公穀並作暨

左氏

齊無君也注齊亂無君故大夫得敵

於公蓋欲迎子糾也來

**公羊**

公曷為與齊大夫盟齊無君也然則何以不名

為其諱與大夫盟也使若衆然注諱使若悉得齊諸大夫而約束之也是時齊以無知之難小白奔莒子

糾奔魯齊迎子糾欲立之魯不與而與之盟齊為是更迎小白然後乃伐齊欲納子糾不能納故深諱從

信文

**穀梁**

公不及大夫大夫不名無君也盟納子糾也不日其盟渝也當齊無君制在公矣當

可納而不納惡內也注春秋之義內大夫可以會外諸侯公不可以盟外大夫所以明尊卑定內外也今

齊無君要當有任其盟者故不得不以

**胡氏**

及者內為志大

權通禮君前臣名齊無君故大夫不名大夫不名義繫於齊而不繫大夫之名氏也曰公及齊大夫盟者譏公之釋父怨親仇讎也或曰以德報怨

寬身之仁何以譏之也曰德有輕重怨有淺深怨莫甚乎父母之仇而德莫重乎安定其國家而圖其後

嗣也有父之讎而不知怨乃欲以重德報之則人倫廢天理滅矣然則如之何曰以直報怨以德報德

案春秋於莒之盟書齊大夫扈之盟書晉大夫其詞雖同然齊無君而書大夫非貶詞又書公及則大夫無伉公之嫌而罪公之及齊明矣晉靈初即位而趙盾書大夫則趙盾之專可知其書公會雖譏公之後至然乃所以見趙盾之強諸侯為此盟也大夫不名疑杜氏說是○又案子糾三傳皆以為當納趙子程子胡氏以為不當納所以然者杜氏以子糾小白並齊僖之子而糾長故當立穀梁曰齊無知弑襄公公子糾公子小白出亡似若以為襄公子矣而終以糾為兄故亦以為當立獨程子用史記證之而定以糾為襄公子於是魯納雖之罪明定以糾為小白弟於是糾不當立之義著然後糾不書子小白之繫齊管仲之不死魯之忘親釋怨皆得



其說矣。○又案范甯曰：以不納子糾為內惡，是仇讎可得而容也。其說是。

夏公伐齊，納糾，齊小白入于齊。

左氏作

左氏

夏公伐齊，納子糾，桓

公自莒先入。注：二公子各有黨，故雖盟而迎子糾。當須伐乃得入。又出在小白之後，小白稱入從國逆之。

文本：公羊

納者何？入辭也。其言伐之何？伐而言納者，猶不能納也。糾何以不稱公子？君前臣名。

也。齊小白以國氏當國也。其言入篡詞也。

穀梁：當可納而不納，齊變而後伐，故乾時之戰不諱敗惡。

內也。大夫出奔，反以好曰歸，以惡曰入。齊公孫無知弑襄公，公子糾、公子小白不能存，出亡齊人殺無知。

而迎公子糾於魯，公子小白不讓公子糾先入，又殺之于魯，故曰齊小白入于齊，惡之也。注：不書公子而

直云糾者，明繫在於魯，故挈之也。

胡氏

左氏書子糾二傳曰：伐齊，納糾。君子以公殺為正，納者不

受而強致之稱入者難詞糾不書子者明糾不當立也。以小白繫齊者明小白宜有齊也。所以然者襄公見殺糾與小白皆以庶子出奔而糾弟也。又未嘗為世子。案史稱周公誅管蔡以安周。齊桓殺其弟以反國。是糾幼而小白長。其有齊宜矣。宜則何以不稱公子。內無所承。上不稟命。故以王法絕之也。桓公於王法雖當絕。視子糾則當立。故管仲相桓為從義而聖人稱之。召忽死於子糾為傷勇而比諸匹夫匹婦之諒也。

案張氏曰三傳惟左氏作子糾而正義曰今定本有子字則左氏古本亦無子字矣。此說甚好。公穀惟以糾為兄。故於糾不書子之義皆鑿。○又案春秋書納七皆不當納也。糾不書公子與捷菑同。公之伐戰與晉之弗克納異。糾捷菑以庶孽書。納蒯賁以世子亦書。納蒯賁無親之罪。

大也。剗，讀得。書世子而糾捷，當不書公子者，書世子以著靈公之失也。楚之納頓，納公孫寧儀行父齊之納北燕，皆內弗受之詞也。納郟，郟同此義。○又案公子入國而繫國者，齊小白莒去疾、齊陽生皆宜有國者也。

秋七月丁酉葬齊襄公。○八月庚申及齊師戰于乾時。

我師敗績。

乾時，齊地水名。

左氏

師及齊師戰于乾時，我師敗績，公喪我路，傳乘而歸。秦子梁子

以公旗辟于下，道是以昏。止注不稱公戰，公敗諱之。

公羊

內不言敗，此其言敗何？伐敗也。曷為伐敗？

復讎也。此復讎乎？大國曷為使微者公也？公則曷為不言公不與公復讎也？曷為不與公復讎？復讎者在下也。注時實為不能納子糾伐齊諸大夫以為不如以復讎伐之，於是以復讎伐之，非誠心至意故不與。

也書敗者起託義戰以敗為榮也

胡氏

內不言敗此其言敗者為與雖戰雖敗亦榮何以不言公

貶之也公本忘親釋怨欲納讎人之子謀定其國家不為復讎與之戰也是故沒公以見貶若以復讎舉事則此戰為義戰當書公冠於敗績之上與沙隨之不得見平丘之不與盟為比以示榮矣惟不以復讎戰也是故諱公以重貶其忘親釋怨之罪其義深切著明矣

案內兵書戰

詳見桓十年

# 九月齊人取子糾殺之左氏

鮑叔帥師來言曰子糾親也請君討之管名讎也請

受而甘心焉乃殺子糾于生竇名忽死之管仲請囚鮑叔受之及堂阜而稅之歸而以告曰管夷吾治於高僎使相可也公從之注鮑叔乘勝進軍志在生得管仲管仲射桓公中帶鉤故曰讎又傳曰齊桓公置

射鉤而使

**公羊**

其取之何內辭也脅我使我殺之也

管仲相

其稱子糾何貴也其貴奈何宜為君

者也疏所以明上

**穀梁**

外不言取言取病內也取易

文不書子之嫌也

詞也猶曰取其子糾而殺之

云爾十室之邑可以逃難百室之邑可以隱

**胡氏**

取

死以千乘之魯而不能存子糾以公為病矣

者

不義之詞前書納糾不稱子者明不當立也此書殺

糾復稱子者明不當殺也或奪或予於義各安春秋

精意也仁人之於兄弟不藏怒焉不宿怨焉親愛之

而已糾雖爭立越在他國置而勿問可也必請于魯

殺之然後快于心其不仁亦甚矣後世以傳讓為名

取國者必殺其主以為一人心防後患意與此同流

毒豈不速哉故孟子曰五霸三王之

罪人也仲尼之徒無道桓文之事者

案子糾書法與子般子野同故公穀皆以為貴

而當立殊不知前不書子賁子糾以天倫之義

此復書子賁桓公以天倫之恩也然春秋蔽罪於齊則殺兄弟當日君乃書齊人者何哉張氏曰廢立之際殺生予奪寄於當國大臣之手毫釐之差霄壤之謬今齊大夫始以糾為先君之子盟而欲立之始謀不審已為罪矣及小白得國又不體其君先君之遺體以從議親之辟而推刃同氣亦甚矣故書法如此是舉國君臣皆有罪也蓋天倫之重苟未至如管叔之得罪宗廟先君與天下之民則必當以親親而全其生此聖人以至公之心示後世斷國論之權衡也

此說得之

冬浚洙

洙水名在魯城北下合泗

左氏

注為齊備

公羊

浚深之也曷為深之畏齊也曷為畏

齊也辭殺子糾也

穀梁

浚洙者深洙也著力不足也

胡氏

固國以保民為本輕用民力妄

興大作邦本一搖雖有長江巨川限帶封域洞庭彭蠡河漢之險猶不足憑而況洙乎書浚洙見勞民於守國之末務而不知本為後戒也

十年春王正月公敗齊師于長勺

長勺魯地

左氏

齊師伐我公將戰曹

劇請見問何以戰公曰衣食所安弗敢專也必以分人對曰小惠未徧民弗從也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以以一戰戰則請從公與之秉戰于長勺公將鼓之歲曰未可齊人三鼓劇曰可矣齊師敗績公問其故對曰夫戰勇氣也一鼓作氣再而衰三而竭彼竭我盈故克之穀梁不日疑戰也疑戰而曰而戰以詐相襲胡氏齊師伐魯經不書伐意責魯也勝內謂勝在內詐戰曰敗敗之者為王或曰長

勺魯地而齊師至此所謂敵加於已不得已而後應者也。敵若無罪焉何以見責乎？善為國者不師善師者不陳。善陳者不戰。故行使則有文告之詞而疆場則有守禦之備。至於善陳德已衰矣而况兵刃相接又以詐謀取勝乎？故書魯為主以責之。皆已亂之道寡怨之方王者之事也。

## 二月公侵宋

書侵之始

## 公羊

注屬北敗強齊之兵南侵強宋南北有難故危而月之

穀

## 梁

侵時此其月何也乃深其怨於齊又退侵宋以衆其敵惡之故謹而月之玩舊說以為公與宿盟宋

万病宿故公侵之傳無其文疑妄也

案經書內侵七書公四此年及定六年侵鄭八年再侵齊也

## 附錄

公羊侵伐等例

## 公羊

曷為或言侵或言伐捕者曰侵稍者曰伐戰不言伐國不言戰



入不言國賊不言入者其重者也注拘羈也將兵  
至竟以過侵責之服則引兵而去用意尚羈猶  
精密也侵責之不服推兵入竟伐擊之益深用意  
稍精密合兵血刃曰戰以兵守城曰圍得而不居  
曰入取其  
國曰賊

### 三月宋人遷宿左氏

注宋強遷之而取其地故文異於邢遷

穀梁

遷亡詞也其不

地宿不復見也遷者猶未失其國家以往者也注為人所遷則無復國家故曰亡詞遷者以下釋自遷如

邢遷許

胡氏

其曰遷宿者宿非欲遷為宋人之所遷也懷土常物之大情遷國重事也雖違

違之類

害就利去危即安猶或恐沈于眾不肯率從而況迫

於橫逆非其所欲棄久宅之田里刈新徙之蓬藿道

遠之勤營築之勞起怨誥傷和氣豈不惻然有隱乎

肆行莫顧其不仁甚矣凡書遷不再貶而惡已見

案三傳左氏穀梁同公羊因而臣之之說亦是而不通之詞迂僻無義故不取穀梁未失其國家以往本言自遷者注說得之而許氏因其說又曰遷之使未失其國以往其義猶有所難則是王澤之未竭也僖文以後有滅國無遷國矣以此通之遷紀遷陽降鄆等皆可

夏六月齊師宋師次于郎公敗宋師于乘丘左氏

齊師宋師

次于郎公子偃曰宋師不整可敗也宋敗齊必還請擊之公弗許自雩門竊出蒙皐比而先犯之公從之

大敗宋師于乘

公羊

其言次于郎何伐也伐則其言次何我能敗之故言次也注二

丘齊師乃還

國纔止次未成於伐魯即能敗宋師齊師罷去故不

言伐而言次也明國君當強折衝當遠魯微弱深見

犯至於近邑賴能速勝

穀梁

次止也畏我也

胡氏

齊

之故云爾所以疆內

輕舉大衆深入他境肆其報復之心誠有罪也魯人若能不用詐謀奉其詞令二國去矣偷得一時之捷而積四鄰之忿此小人之道故次者陳氏其言次何不以其事勝者不以其理交譏之

圖伯而未集也外師未有書次者桓公所甚汲汲者魯也苟不得魯不可以合諸侯宿師于郎將以誅魯爾而北杏之會不至郚會不至則猶未得志於魯也於是書次用見桓之未得志於諸侯也是故書齊宋次郎以志齊伯之難書楚蔡次厥路以志楚伯之難於此焉可以知人心矣不苟於從齊是人心猶有周也不苟於從楚是人心猶有晉也有王者作天下歸往之矣齊一變至於魯魯一變至於道孔子所以有志於魯也

案齊之忿魯始于子糾之納宋之忿魯始於公之侵而其實則齊桓挾宋以圖伯也故胡氏發

明於次敗之言而陳氏深察於齊宋之心二說兼用乃備

秋九月荆敗蔡師于莘以蔡侯獻舞歸

荆患之始舞

左

氏

蔡哀侯娶于陳息侯亦娶焉息媯將歸過蔡蔡侯曰吾媯也止而見之弗賓息侯聞之怒使謂楚文

王曰伐我吾求救於蔡而伐之楚子從

公羊

荆者何州名也

之九月楚敗蔡于莘以蔡侯獻舞歸

獻舞何以名絕曷為絕之獲也曷為

穀梁

荆者楚也何為謂之

不言其獲不與夷狄之獲中國也

荆狄之也何為狄之聖人立必後至天子弱必先叛

故曰荆狄之也蔡侯何以名也絕之何為絕之獲也

中國不言敗此其言敗何也蔡侯其見獲乎其

胡氏

言敗何也釋蔡侯之獲也以歸猶愈乎執也

蔡侯何以名絕之也凡書敗書滅書入而以其君歸

皆名著為其服為臣虜故絕之也若蔡獻舞路嬰兒

沈嘉許斯頓詳胡豹曹陽邾益之類是矣國君死社稷正也逃之雖非猶有恥焉虜甚矣楚人滅夔以夔子歸獨不名者夔子以無罪見討雖國滅身為臣虜其義直其詞初不服也是以獨假之爵而不名也春秋之法諸侯不生名失地則生而名之比於賤者欲使有國之君戰戰兢兢長守富貴無危溢之行也

陳氏

自會于鄧諸侯始懼楚矣而敗鄧不書敗隨不書敗鄧不書雖滅申鄧息亦不書也敗蔡師以

蔡侯獻舞歸於是始書之是夷夏之大變也春秋之法執君言以歸滅國之君言以歸徒敗焉爾而言以歸則是蔡服楚也是夷夏之大變也

案楚文王立于莊之四年方是時承武王之烈內有鄧曼為之母外有令尹鬬祁莫敖屈重等為之臣為會漢汭而隨人不能乘其喪鄧不血食而三甥無以謀其暴於是楚勢不可遏矣莊

之十年其王伯夷夏消長之一大會乎齊桓方  
謀魯以國伯於東而荆亦執蔡以爭強於南魯  
蔡守文昭之親而所遇如此春秋豈無意乎其  
不知者以為伯事成而中夏盛其知者則以為  
王道消而夷狄長也故執君之禍滅國之禍皆  
始於此年天下無王齊為之天下無中國楚為  
之也○又案楚書荆始此年書荆人始莊二十  
三年書楚人始僖元年書楚大夫姓名始僖四  
年書楚子始僖二十一年○又案諸侯屈服稱  
以歸者胡傳已詳獨蔡世子有以歸稱執見其  
不服也不  
入此例

# 附錄

公羊七  
等例

## 公羊

州不若國國不若氏氏不若人  
人不若名名不若字字不若子

冬十月齊師滅譚譚子奔莒

書滅之始

左氏

齊侯之出也過  
譚譚不禮焉及

其入也諸侯皆賀譚又不至冬齊師

**公羊**

何以不言出國已滅

滅譚譚無禮也譚子奔莒同盟故也

矣無所出也

**穀梁**

注譚子國滅不名蓋無罪也凡書奔責不死社稷

**胡氏**

滅而書奔責不

死位也不書出國亡無所出也國滅身奔何以書爵

乎已無取滅之罪為橫逆所加而力不能勝至於出

奔則亦不幸焉爾矣其義蓋未絕也案左氏責其失

事大之禮可矣坐此見滅可乎齊師滅譚譚子奔莒

楚人滅弦弦子奔黃狄滅溫溫子奔衛三國所以皆

存其爵不比於失地之君而名之也然則吳滅徐徐

子革羽奔楚何以獨名案左氏吳伐徐徐子斷其髮

攜其夫人以逆吳子既已屈服而後奔豈有興復之

志乎獨書名所以絕之春秋之義雖在於抑強扶弱

又責弱者之不能自強於為善也故其書法如此

**陳氏**

書滅始於此紀侯大去宋人遷宿未可以言滅必若齊桓而後可以言滅矣然則滅國自齊桓

乎前乎此矣曷為以首亂罪齊微桓公則滅國之禍不接迹於天下春秋之際滅國三十六五伯為之也

案春秋書滅三十三啖子曰凡滅國直書滅者罪來滅者甚於見滅者言力屈而死也如蕭邢之類然則遂黃頓江六庸舒蓼甲氏舒庸萊舒鳩賴蔡州來巢不書君奔當以入此例凡書滅又書其君奔者則兩罪之且責其不死社稷也如譚弦溫徐之類是也凡書滅又書以歸又書名者既責其不死又無興復之志如潞嬰兒沈嘉許斯頓牂胡豹之類也其書滅鄆非滅而書滅下陽不當書滅而書滅則又變例也以偏陽子歸不書陸渾子奔楚不書免其罪也胡髡沈盈一戰而身國俱亡也楚滅陳不書所奔陳無君也變子不名無罪也徐子書名已屈節也已上胡氏皆用啖子之說故詳錄之左氏曰用大師曰滅公羊曰滅者亡國之善辭上下之同力



也皆可通外傳曰軍譚遂而不有也  
言以地分諸侯蓋誇大桓公之詞爾

十有一年春王正月○夏五月戊寅公敗宋師于郕

郕魯

地

左氏

宋為乘丘之役故侵我公禦  
之宋師未陳而薄之敗諸郕

穀梁

內事不言戰  
舉其大者其

日成敗之也宋萬之獲也注結日列陳  
不以詐相襲得敗師之道故曰成也

張氏

宋師再  
至再敗

兵禍旋及其君魯雖  
再勝亦困於兵矣

案魯敗宋三惟此書

日殺梁說亦有理

附錄

左氏左氏

凡師敵未陳曰敗某師昏陳曰戰  
大崩曰敗績得雋曰克覆而敗之

曰敗某師京師敗

曰王師敗績于某

秋宋大水左氏

宋大水公使弔焉曰天作淫雨害於衆盛若之何不弔對曰孤實不敬天降之

災又以為君憂拜命之辱臧文仲曰宋其興乎言懼而名禮既而聞之曰公子御說之詞也臧孫達曰是宜為君有恤民之心注因弔故書公羊記災也外災不書此何以書

見內穀梁此何以書王

胡氏

凡外災告則書所謂災者害及民物如水火兵

戎之寇是也諸侯於四隣有恤病救急之義則告為得禮而不可以不弔故四國同災許人不弔君子以是知許之先亡也凡志災見春秋有謹天戒恤民隱之心王者之事也

案外災告則書弔則書左氏注是公穀非

冬王姬歸于齊左氏

齊侯來逆共姬注桓公

胡氏

春秋書王姬下嫁為與諸侯

之女同調乎曰陽倡而陰和夫先而婦從迷天理訓後世則雖以王姬之貴其當執婦道與公侯卿大夫士庶人之女何以異哉後世尤欲尊君抑臣為治而不得其道至謂列侯尚公主使男事女夫屈於婦逆陰陽之位矣

十有二年春王三月紀叔姬歸于鄫左氏

注紀侯去國而死叔姬歸

魯紀季自定於齊而後歸之全節公羊

隱之也國亡矣徒歸于叔

爾穀梁

吾女也失國喜得其所故言歸焉爾

胡氏

歸者順詞以宗廟在鄫歸奉其祀也魯人

高其節義恩禮有加焉故其歸于鄫其卒其葬史冊悉書夫子存而弗削使與衛之共姜同垂不朽為後

世勸

也

夏四月○秋八月甲午宋萬弑其君捷及其大夫仇牧

左氏

乘丘之役公以金僕姑射南宮長萬公右欽孫生博之宋人請之宋公靳之曰始吾敬子今子

魯囚也吾弗敬子矣病之秋宋萬弑閔公于蒙澤遇仇牧于門批而殺之遇大宰督于東宮之西又殺之

立子游羣公子奔蕭公子御說奔亳南宮牛猛獲圍

亳蕭叔大心及戴武宣穆莊之族以曹師伐之殺南

宮牛于師子游于

公羊

及者何累也弑君多矣舍此無累者乎孔父荀息皆累也

宋立桓公御說

舍孔父荀息無累者乎曰有有則此何以書賢也何

賢乎仇牧仇牧可謂不畏強禦矣萬嘗與莊公戰獲

乎莊公莊公歸散舍諸宮中數月然後歸之歸反為

大夫於宋與閔公博婦人皆在側萬曰甚矣魯侯之

淑美也閔公於此婦人妬其言顧曰此虜也萬怒搏

閔公絕其脰仇牧聞君弑趨而至遇之于門手劍而

叱之萬臂擬仇牧碎其首齒著乎門闔仇牧可謂不畏強禦矣注猶乳犬攫虎伏雞搏狸精誠之至也

**穀梁**

宋萬宋之卑者也卑者去以國氏及者以尊及卑也仇牧附也注仇牧扞衛其君故見殺臣既

死君不忍稱其名今仇牧書名則知宋君先弑

**胡氏**

春秋書之者其所取也

大夫死于弑君之難而有不書者故知孔父牧息皆所取也夫仇牧可謂不畏強禦矣然徒殺其身不能執賊無益於事也亦足取乎食焉不避其難義也徒殺其身不能執賊亦足為求利焉而逃其難者之訓矣何名為無益哉夫審事物之重輕者權也權重輕而處之得其宜者義也大宰督亦死於閔公之難削而不書者身有罪也惠伯死於子慈之難亦削而不書者非君命也召忽死於子糾之難孔子比於匹夫匹婦之諒者所事不正也崔杼弑君晏平仲曰人有君而弑之吾焉得死之而焉得亡之君子不以是罪

晏子者齊莊公不為社稷死而晏子非其私昵之臣也若仇牧荀息立乎人之本朝執國之政而君見弑不以其私也雖欲勿死焉得而勿死聖人書而弗削以為求利焉而逃其難者之勤也惟此義不行然後有視棄其君猶土梗弁髦曾莫之省而三綱絕矣

案孔父仇牧荀息胡氏皆以為名獨公穀啖子以孔父為書字疑公穀先君死之說亦通蓋考傳皆合也

# 冬十月宋萬出奔陳左氏

猛獲奔衛萬奔陳宋人請猛獲于衛衛人欲勿與石祁子

曰不可天下之惡一也惡於宋而保於我保之何補得一夫而失一國與惡而棄好非謀也衛人歸之亦請萬于陳以賂陳人使婦人飲之酒而以犀革裹之比及宋手足皆見宋人皆鹽之

胡氏

案左氏則

賊已討矣曷為不書陳人殺萬而葬閔公乎夫天下之惡一也陳人不以萬為賊而納之又受宋人之賂而使婦人飲之酒是與賊為黨非政刑也特書萬出奔陳而閔公不葬以著陳人與賊為黨之罪而不能正天討其法嚴矣故曰春秋成而亂賊懼

案經書外大夫出奔三十五始於宋萬

十有三年春齊侯宋人陳人蔡人邾人會于北杏

北杏齊地

齊侯穀梁

左氏

以平宋亂注宋有弑君之亂齊桓欲修伯業

公羊

注齊桓行伯約

束諸侯尊天子故為此會也桓公時未為諸侯所信鄉故使微者會桓公不辭微者欲以卑下諸侯遂成也伯也穀梁是齊侯宋公也其曰人何也始疑之何疑也馬桓非受命之伯也將以事授之者也曰

可矣乎未乎舉人衆之詞也疏經以衆授胡氏桓何

為文明非王命是未得王命不可以為伯

胡氏

以及

四國之微者會是宋公邾子也然則何以稱人春秋  
之世以諸侯而主天下會盟之政自北杏始其後宋  
襄晉文楚莊秦穆交主夏盟跡此而為之者也桓非  
受命之伯諸侯自相推戴以為盟主是無君矣故四  
國稱人以誅始亂正王法也齊侯稱爵其與之乎上  
無天子下無方伯有能會諸侯安中國而免民於左  
衽則雖與之可也誅諸侯者正也與桓公者權也或  
曰桓公始平宋亂遂得諸侯故四國稱人言衆與之  
也

陳氏

春秋非主兵皆序爵也於是序齊於宋之上  
而獨爵齊將予齊以伯也晉文公之簡曰晉

侯齊師宋師秦師皆始伯之  
詞也自是無特相會者矣

張氏

齊桓欲行伯事恐  
諸侯未諭故未欲

煩其君而使其臣來會與晉悼公使諸侯之大夫聽  
命于邢丘相類東遷以來王政不行下逮隱桓亂賊



得志強暴肆行天下之心思周道之不可復見願得賢伯之興蓋已久矣桓公入國已四年因宋有弑君之亂首惡方誅嗣君新立合諸侯定宋亂陳蔡邾並來受命天下歸之幾如水之就下矣然桓公苟能於宋萬初弑君之時舉兵討之則不勞告諭而天下翕然宗之不待今日而會矣書宋萬出奔陳而殲之以此又因以見桓公自失幾會於其始也

案春秋始伯之書有三北杏獨書齊侯曹南獨書宋公城濮獨書晉侯是也然胡氏止於北杏發于齊侯之說陳氏兼及城濮至於曹南二家皆不予之蓋以虜上復人宋則非始伯之詞矣然曹南予宋亦可○又案此條陳氏主胡氏張氏主公羊要之胡氏說好○又案此為齊桓伯事之始桓公自莒反齊得管仲於鮑叔而任之首懲襄公田獵畢弋之戒於是管仲得以盡行

其術制國以為二十一鄉工商之鄉六士鄉十  
五公與國高各帥五鄉焉作內政而寄軍令興  
鹽筴以盡海王之利春蒐秋狩有士三萬人以  
方行天下而又以三選擇賢始於鄉長之推繼  
於官長之選復親自賞相於是民皆勉於為善  
相地而褒征山澤各致其時於是民各安其居  
正封疆重聘幣號召天下之遊士以犀甲贖罪  
擇其淫亂者而先征之反棠潛於魯使為南伐  
之主反臺原漆里於衛使為西伐之主反柴夫  
吠狗於燕使為北伐之主故齊國之境南至鉤  
陰西至于濟北至于河東至于紀鄒有革車八  
百乘即位數年東南多亂者莒萊徐夷吳越一  
戰帥服三十一國是雖伯者之事然規模次  
第亦有自矣左氏於桓公事多畧故具于此

# 夏六月齊人滅遂左氏

北杏之會遂人不至  
齊人滅遂而戍之

## 公羊

注不諱者

桓公行伯不任文德而尚武力又功未足以除惡

穀

疏繫露曰

論功則桓兄文弟論德則文兄桓弟

梁

不日微

胡氏

滅國之與見滅罪孰為重奪人土地使不得有其民人毀人宗廟使不得

奉其祭祀非至不仁者莫之忍為見滅而書滅者亡國之善詞上下之同力也其亦不幸焉爾語曰興滅國繼絕世天下之民歸心焉今乃滅人之國而絕其世罪莫重矣齊人滅遂其稱人微者爾凡書滅者不再敗而惡已見

秋七月○冬公會齊侯盟于柯

柯今鄆州東阿

左氏

盟于柯始及齊平也

公羊

何以不日易也其易奈何桓之盟不日其會不致信之也其不日何以始乎此莊公將會乎桓

曹子進曰君之意何如莊公曰寡人之生則不若死矣曹子曰君請當其君臣請當其臣莊公曰諾於是

會乎桓莊公升壇曹子手劍而從之管子進曰君何求乎曹子曰城壞壁竟君不圖與管子曰然則君將何求曹子曰願請汶陽之田管子顧口君許諾桓公曰諾曹子請盟桓公下與之盟已盟曹子操劍而去之要盟可犯而桓公不欺曹子可讎而桓公不怨桓公之信著乎天下自柯之盟始焉注諸侯猶是翕然信鄉服從再會于鄆同盟于幽遂成伯穀梁曹劌之功故云爾取田不書者諱行詐劫人也穀梁盟也信

齊侯也桓盟雖內與不日信也注公盟例日外諸侯盟例不日桓大信遠著故雖公與盟猶不日

胡

氏

始及齊平也世讎而平可乎於傳有之敵惠敵怨不在後嗣魯於襄公有不共戴天之讎當其身則

釋怨不復而主王姬狩于禚會伐衛同圍郕納子糾故聖人詳加譏貶以著其忘親之罪今易世矣而桓公始合諸侯安中國懷夷狄尊天王乃欲修怨怒鄰而危其宗社可謂孝乎故長勺之役專以責魯而柯

之盟公與齊侯皆書其爵則以為釋怨而平可也或稱齊襄復九世之讎而春秋賢之信乎以仲尼所書柯之盟其詞無貶則復九世之讎而春秋賢之者妄矣其諸傳者借襄公事以深罪魯莊當其身而釋怨邪

案曹子之說趙子不取胡氏亦未及之然考之當時桓公修伯非得魯則不足為重故捐小利以收魯容或有之魯亦知齊欲以信求諸侯故因盟以求地而公羊遂誇大之耳蓋魯自長勺乘丘之勝國勢稍振齊不敢以待譁遂之術待魯而多方以求之屈己於歸田之請遷延於姻好之成示威於三國之伐耀武於戎捷之獻而魯自是不敢有從違之心矣九合之盛亦原於此故公羊之說不可謂無○又案左氏文公六年晉更駢曰前志有之敵惠敵怨不在後嗣忠

之道也胡氏本此

十有四年春齊人陳人曹人伐宋左氏

宋人背北

胡氏

宋人背北者將卑師少也齊自管仲得政滅譚之後二十年間未嘗遣大夫為主將亦未嘗動大衆出侵伐蓋以制用兵而賦於民薄矣故能南摧強楚西抑秦晉天下莫能與之爭也或以為貶齊稱人誤矣

案胡氏說本程子程子曰管仲為政自莊十一年而後未嘗興大衆也其賦於諸侯亦寡矣終管仲之身息養天下厚矣至於秦晉使之不競而已未嘗強致也考之內政之法十五鄉出三萬人五家為軌軌有長十軌為里里有司四里為連連有長十連為鄉鄉有良人五鄉一師故

萬人為一軍師帥之比之周制萬二千五百人為軍者誠簡便矣故曰桓文節制之師程子說本此○又案經列國書人而伐者齊伯之編有三此年伐宋十五年伐鄭十六年伐鄭皆連三國而稱人將卑師少之文也晉伯之編有三文二年伐秦十七年伐宋宣十年伐鄭皆連四國而稱人貶之之文也餘若宣元年二國伐鄭僖三十三年三國伐許宣二年四國侵鄭稱人皆在貶例

夏單伯會伐宋左氏

諸侯伐宋齊請師于周夏單伯會之取成于宋而還注經書人傳言

諸侯者總眾國之辭

公羊

其言會伐宋何後會也注從義兵而後者功薄從不義兵而後者惡淺

穀梁

會事之成也注伐事已成單伯乃至

胡氏

隱公四年諸侯伐鄭暈帥師會伐則再舉四國

之名今諸侯伐宋而單伯會伐不復再舉三國之名何也宋人背此杏之會合諸侯而伐之者齊桓公也  
曾伐者無貶焉故其詞平主謀伐鄭而欲求寵於諸侯以定其位者州吁也會之者黨逆賊矣故其詞繁而不殺疾之也再舉而列書者甚疾四國之詞也言之不足而再言聖人之情見矣  
張氏  
盟柯  
成平于齊而未從其役故因齊討宋命上卿率師往會示從伯之意

案左氏以為王臣其辨已見逆王姬下然內大夫會伐者八獨單會四國伐鄭與單伯會伐宋皆先列諸國之伐然後稱會蓋後會之文也公穀是

## 秋七月荆入蔡左氏

蔡哀侯為莘故繩息鳩以語楚子楚子如息以食入享遂滅息以息

鳩歸生堵敖及成王焉未言楚子問之對曰吾一婦人而事二夫縱弗能死其又奚言楚子以蔡侯滅息



逐伐蔡張氏

蔡息之亡蔡之入皆哀侯致之惟干戈

秋入蔡省厥躬亦足見蔡自會鄆之後非但不  
為綢繆繆戶之計而以婦人之故再召楚師身虜國  
破是時齊桓之業未成楚熊賁橫行淮漢浸及中國  
今又興兵以誅婦人故  
特書以兩著其罪也

案蔡為周室宗盟之長適於楚而常受楚禍中  
國之力有不及焉故自北杏之後齊之盟會蔡  
不復與矣蔡之始錄于經則會鄆以懼楚終錄  
于經則邲州來以避楚楚之始見于經曰敗蔡  
終錄于經曰圍蔡齊晉之伯其極盛則侵蔡以  
伐楚其極衰則會召陵以救蔡而不能終於伯  
舉之戰吳操中國之權又以蔡故焉原一蔡之  
始終而中國消長之形則楚強弱之端皆可見  
矣

冬單伯會齊侯宋公衛侯鄭伯于鄆

鄆衛地

左氏

會于鄆宋服故

也注齊桓修伯業卒平宋亂宋人服從

穀梁

復同會也注諸

欲歸功天子故赴以單伯會諸侯為文

侯欲推桓以為伯故

張氏

宋公親會魯卿始與為衣裳之會而齊霸畧定矣

復同會于此以謀之

案經書內大夫會外諸侯者六惟單伯于鄆季

孫宿于邢丘會伯主及列國其餘若公孫歸父之

會齊侯皆持相會也大夫會諸侯抗尊出位左

氏列以為內大夫可會外公侯非也雖齊桓初

伯得魯為重不以單伯為嫌魯人顧望未專從

齊不以單伯為早然他日開

權臣之專未必不始於此

十有五年春齊侯宋公陳侯衛侯鄭伯會于鄆左氏

復會

馬齊始

霸也

穀梁

復司會也注為欲推

張氏

左氏謂齊始

定而言然魯未信服自後宋人猶或主兵衛鄭未

免復叛蓋齊伯駁駁向定而諸侯之心猶未一也

夏夫人姜氏如齊張氏

父姜不如齊八年矣至是復如

殆出文姜之意齊桓欲求魯好以定伯業而不之拒

也文姜播惡於襄公之世桓公絕之義也以欲求魯

之故而不監覆車之轍豈未聞行一不義雖

得天下不為之法乎春秋持書以累桓也

秋宋人齊人邾人伐邾

邾公羊

左氏

諸侯為宋伐邾注

故齊為

穀梁

注宋主兵故序齊上也班序上下以國

之伐邾穀梁大小為次夷狄在下征伐則以主兵為

先春秋

胡氏

伯者之先諸侯專征也非伯者而先諸

之常也侯主兵也此齊桓之師何以序宋下猶

未成乎伯也二十七年同盟于幽天下與之然後成乎伯矣

鄭人侵宋

書侵

左氏

諸侯伐鄭人

張氏

背二鄆之會反覆於齊楚

之間蓋始於此

案左氏鄭厲公以去年自櫟侵鄭傅瑕殺子儀而納之厲公入殺傅瑕及原繁原繁曰子儀在位十四年矣而謀召君者庸非貳乎莊公之子猶有八人若皆以官爵行賂勸貳而可以濟事君其若之何由此觀之則忽豈儀雖死而莊公之子尚多也齊桓若能明大義告諸侯聲厲公篡奪之罪而廢之豈不為伯業之光哉不此之顧首列於二鄆之會及其反覆三國伐之又以宋故為詞亦何足以服之矣宜乎于幽既成而旋有鄭詹之執也

附錄

胡氏侵伐例

胡氏

侵伐之義三傳不同左氏曰有鍾鼓曰伐無曰侵先儒或非其

說以為聲罪致討曰伐無名行師曰侵未有以易之也然考諸五經皆稱侵伐在易謙之六五曰利用侵伐征不服也書之泰誓曰我武維揚侵于之疆詩之皇矣曰依其在京侵自玁狁周官大司馬以九伐之法正邦國而曰賊賢害民則伐之負固不服則侵之而以為無名行師可乎然則或曰侵或曰伐何也聲罪致討曰伐潛師掠境曰侵聲罪者鳴鍾擊鼓整衆而行兵法所謂正也潛師者銜枚臥鼓出人不意

兵法所謂奇也

案春秋書侵五十七書伐二百一十三傳例亦有不同者恐無名行師之說亦可參通

冬十月

十有六年春王正月○夏宋人齊人衛人伐鄭左氏

宋故

也

張氏

伐鄭不止為宋而已蓋鄭不服則諸侯之心未一也

秋荆伐鄭左氏

鄭伯自櫟入陂告于楚秋楚伐鄭及櫟為不禮故也

張氏

齊伯未定楚威

浸及中國自桓二年鄭已懼楚至此三十餘年而後受兵楚之威不輕用如此至是始為中國患矣

案鄭桓公始寄帑於號鄭得十邑而國之前華後渭左洛右濟主茅駝而食溱洧實春秋要領之國而南北之樞紐也故楚禍及鄭始此而終春秋為伯主之輕重焉○又案經書荆伐鄭二

始此年楚人伐鄭四始僖元年書楚子伐鄭五

始宣四年書大夫伐鄭四始成六年楚會諸侯

伐鄭二始襄

二十四年

冬十有二月會齊侯宋公陳侯衛侯鄭伯許男滑伯滕

子同盟于幽

幽宋地○公穀有曹伯字

左氏

同盟于幽鄭成也注書會魯會

之不書其人微者也言同盟服異也陳每在衛下齊桓始伯楚亦始強陳介於二大國之間而為三恪之客故齊因而進

公羊

同盟者何同欲也注同心欲盟也同心為善善必成同心為惡

惡必成故重而言同心也

穀梁

同者有同也同尊周也不言公內外察一疑之也注十三年北杏諸

侯俱疑桓非受命之伯欲共以事推之可乎今于此年諸侯同共推桓而魯與齊雖外內同一疑公可事齊不會不書公以著疑焉同官為察謂諸侯也至二十七年同盟于幽遂伯齊侯疏言此會公實與之而經不言公者外內諸侯同一疑公不知可事齊乎不可事齊乎故去公以著疑也然柯之盟書公者彼要

齊歸田非事齊之事此盟欲推齊為伯與共尊事之故經不言公以示意也

**胡氏**

會者公也

公諱也其諱公何也齊桓始伯仗義以盟而魯首叛盟故諱不稱公惡失信也其曰同盟何也程氏曰上無明王下無方伯列國交爭桓公始伯天下與之故書同盟志同欲也自古皆有死民無信不立故聖人以信易食答子貢之問君子以信易生重桓公之失春秋之諱公與是盟也豈不以信之重於生與食乎先儒或以為不書公者諱與離盟誤矣

**陳氏**

諸侯初主盟也

果以桓為離曷不於柯之盟諱之也

自是無特相盟者矣盟未有言同者於是言同盟以齊桓之初主盟也夫主盟者舉天下而聽於一邦也王者不作舉天下而聽於一邦古未之有也於其始書也曰同盟同衆辭也猶未予以專主是盟也再盟于幽之後天下知有齊桓而已矣內不言公諱之也



案經書同盟十六齊桓伯二此年幽二十七年  
盟幽是也晉宣伯一文十四年新城是也景伯  
五宣十二年清丘十七年斷道成五年蟲牢七  
年馬陵九年蒲是也晉厲伯二成十五年戚十  
七年柯陵是也晉悼伯四成十八虛打襄三雞  
澤九年戲十一年亳城北是也平昭各一襄二  
十五重丘昭十三平丘是也胡氏有二例有諸  
侯同欲而稱同者有惡其反覆而稱同者除于  
蒲亳城北惡其反覆外其餘皆可入同欲之例  
矣穀梁有二例曰同尊周也同外楚也除二幽  
為尊周外其餘皆可入外楚之例矣但本不可  
以同欲為皆美故二幽馬陵于戚雞澤雖可襄  
而清丘斷道蟲牢亦書同新城虛打于戲雖無  
貶而重丘平丘亦書同此公羊所謂同心為善  
善必成同心為惡惡必成者也要之三說皆有  
通處當參考為是然伯事或時每不書同書同

者獨齊伯之方始晉伯之漸衰也則楊士勛所謂召陵首止之後楚不敢爭霸大齊桓不復言同及楚人强盛中國畏之每命同盟同心外楚其說亦有理由是言之則晉文之不書同亦可通矣劉氏以同盟為殷周之盟同盟之禮見於覲禮為壇祀方明方伯臨之桓非受命之伯假同盟之禮率諸侯以尊天子蓋自是始伯也張氏因其說曰古者方嶽有同盟以示其考禮修德以尊天子之意桓公至是以諸侯既授以事而伯業定因舉是禮約束諸侯尊周以掩其無王之事自此欲制諸侯而脅從之者皆稱同盟而善惡則各繫其事焉劉氏說胡氏雖不取然亦是一說也但施之清丘大夫之盟有不合耳餘見新城及亳城北下○又案左氏經文會不言公者三此年幽及僖十九年齊二十九年翟泉也杜氏以幽與齊皆微者獨翟泉為薳公殺

梁以此會為去公以著疑于齊為內之卑者翟  
泉又有公字公羊於三會皆有公字三家之異  
如此啖趙胡氏陳氏皆從左氏經文趙子以此  
會為諱與雖盟于齊翟泉皆諱公與大夫盟則  
三會皆公與也胡氏以此會諱公失信于齊為  
諱與楚盟翟泉為諱與王子盟則三會亦皆公  
與也陳氏以為齊初主盟不言公楚初與盟不  
言公晉大夫初會盟不言公則三會亦皆公與  
也要之胡氏與陳氏二說皆可通穀梁疑之之  
說據其本旨則公本與盟但以諸侯皆疑故去  
公以見之而說者以為魯疑  
而不曾則又郢書而燕說矣

邾子克卒左氏

注克歲父名稱子者蓋  
穀梁其曰子進  
齊桓請王命以為諸侯

齊而尊周室

王命進其爵

案王命之說三傳皆無明文然据左氏此年冬王使虢公命曲沃伯以一軍為晉侯則天子猶有黜陟也

# 十有七年春齊人執鄭詹

詹公羊作瞻

## 左氏

鄭不朝也注齊桓始伯鄭既伐

宋又不朝齊詹為鄭執政大臣詣齊見執不稱行人罪之也諸執大夫皆稱人以執賤之胡氏書人執詹惡齊之詞也鄭既侵宋又不朝齊詹為執政蓋用事之臣也其見執宜矣而以忌齊何也以責人之心責己則盡道以愛己之心愛人則盡仁此春秋待齊之意也

## 張氏

鄭大夫叔詹也不氏與柔

同溺

案鄭詹說左氏是公穀皆以詹為佞人此無据之言杜氏以稱人為賤之穀梁又以稱人為與

齊皆非公羊又以為魯信用詹計取齊淫女丹  
桓刺桡卒為後敗故甚其受佞其說出緯文謬

妄不取餘

見濤塗下

夏齊人殲于遂

殲公羊作殲

左氏

遂因氏領氏工婁氏須遂氏饗齊成醉而殺之齊人

殲公羊

殲積也衆殺成者也注積死非一之詞

穀梁

殲者盡也何為不遂人盡齊人也

無遂之詞也無遂則何為言遂其猶存遂也存遂奈

何曰齊人滅遂使人成之遂之因氏飲成者酒而殺

之齊人殲焉胡氏春秋書此者見齊人滅遂恃強陵

此謂狎敵也弱非伐罪弔民之師遂人書滅乃

亡國之善詞上下之同力也夫以亡國餘民能殲強

齊之成則申胥一身可以存楚楚雖三戶可以亡秦

固有此理足為強而不義之

張氏

所以伸遂人以死復讎之志也

戒弱者亦可省身而自立矣

秋鄭詹自齊逃來左氏

注詹不能伏節守死以解國患而遁逃苟免書逃以賤之穀

梁

逃義曰逃

胡氏

逃義曰逃逃者匹夫之事詹之見執若其有罪雖死可也儻曰無罪苟見免焉

請從惠於會使諸侯聞之則不辱君命矣不能以理自明而反效匹夫之行遁逃苟免越在他國不亦賤乎特書曰逃以著其幸免而不知命之罪也齊桓始伯同盟于幽而魯首叛盟受其逋逃虧信義矣書自齊逃來又陳氏書逃來譏以罪魯也

陳氏

書逃來譏與之接也

案逃例三此年及僖五年鄭伯逃歸不盟襄七年陳侯逃歸也君臣同詞皆匹夫之事也然宣十七年高固逃歸不書襄十六年高厚逃歸不書則春秋不以逃義罪二子也

冬多麋左氏

注麋多則害五稼故以災書

公羊

記異也注麋之為言猶遠也象魯為鄭瞻

所迷惑也言

多以多為異

**穀梁**

注京房傳廢正作淫為火不明則國多釁

**胡氏**

釁魯所有也多

則為異以其又害稼也故書此亦禹放龍蛇周公遠犀象之意也害稼則及人矣

十有八年春王三月日有食之左氏

注不書日官失之

**穀梁**

不言

日不言朔夜食也何以知其夜食也曰王者朝日故雖為天子必有尊也貴為諸侯必有長也故天子朝日諸侯朝朔注天子玄冕而朝日於東門之外故日始出而有虧傷之處是以知其夜食也疏此禮記王

藻文

夏公追戎于濟西左氏

不言其來諱之也

**公羊**

此未有言伐者其言追何大其

為中國追也此未有伐中國者則其言為中國追何大其未至而豫禦之也其言于濟西何大之也注大

公除害恩及濟西也穀梁不言我伐我何也以公之追之不使

馬為公之追之也注言胡氏此未有言侵伐而書追

戎遠來必大有徒眾戎是不覺其來已去而

追之也為國無武備啟戎心而不知警危道也

春秋之意其必未雨而徹桑土閒暇而明政刑

案經書追二又

見僖二十六年

秋有貳左氏

為災也注短狐也蓋

公羊

記異也注蠹之猶言惑也其毒

害傷人形體不可見象魯為鄰

穀梁

一有一亡曰有

瞻所惑言有者以有為異也

胡氏

蠹魯所無也故

或有或亡不常也京房傳曰忠臣進善君不識厥咎國生蠹

沙射人其為物微矣魯人察之以聞于朝魯史異之以書于策何也山陰陸田曰蠹陰物也慶亦陰物也



是時莊公上不能防閑其母下不能正其身陽氣消而陰慝長此惡氣之應其說是也然則蕭詔作而鳳皇來儀春秋成而麟出于野何足怪乎

春秋書物象之應欲人之慎所感也

案記異書有三此年有蜚及二十九年有蜚昭  
二十五年有鵠鵠來巢公疏曰此不言來者亂  
氣所生非  
自外來也

冬十月

十有九年春王正月○夏四月○秋公子結媵陳人之  
婦于鄆遂及齊侯宋公盟左氏

注結魯大夫大夫出竟有可以安社稷利國家

者則專之可也結在鄆聞齊宋有會權事之宜去其  
本職遂與二君為盟故備書之本非魯公意而又失

滕陳之好故  
冬各來伐

# 公羊

滕者何諸侯娶一國則二國往滕之以姪娣從諸侯壹聘九女諸侯

不再娶滕不書此何以書為其有遂事書大夫無遂事此其言遂何聘禮大夫受命不受辭出境有可以安社稷利國家者則專之可也注先是郕幽之會公皆不至公子結出境遭齊宋欲深謀伐魯故專焉君命而與之盟除國家之難全百姓之命故善而詳錄之先書地後書盟者明出竟乃得專之也穀梁  
滕淺事也不志此其志何也辟要盟也何以見其辟要盟也滕禮之輕者也盟國之重也以輕事遂乎國重無說其曰陳人之娣畧之也其不日數渝惡之也注魯使公子結要二國之盟欲自託於大國未審得盟與不故以滕娣為名得盟  
胡氏  
公子往馬是以所則盟不則止此行有辭也  
重臨乎禮之輕者也齊侯伯主宋公王者之後盟國之大事也大夫輒與馬是以所輕當乎禮之重者也

禮者不失己亦不失人失己與人寇之招也是故結書公子而曰滕陳人之婦譏其重以失己也齊宋書爵而曰遂譏其輕以失人也遂者專事之詞聘禮大夫受命不受詞出境有可以安社稷利國家則專之可也謂本有此命得以便宜從事時不受專對之詞耳若違命行私雖有利國家安社稷之功使者當以矯制請罪有司當以擅命論刑終不可以一時之利亂萬世之法是春秋之旨也

案魯大夫書遂始於此僖三十年公子遂遂如晉襄公十二年季孫宿遂入鄆大夫之專固有漸然盟聘而專猶可也兵事而專甚矣然胡氏釋遂字又有專事兩事生事之殊要之皆不宜遂也公羊以為善穀梁以為魯實使之皆非經旨

夫人姜氏如莒張氏

非父母國而出入縱恣莊公無復防閑之意而執國政者無人可知

天

冬齊人宋人陳人伐我西鄙左氏

注幽之盟魯使微者會邾之盟又使媵臣

行所以

公羊

注鄙者邊垂之詞崇見遠也

穀梁

其曰鄙遠之也不以難通我國也

受敵

胡氏

奉詞曰伐其稱人將卑師少也結方與二國盟則其來伐何齊桓始伯責魯不共所謂失己與

人以招寇也或以結能為魯設免難之策為齊宋畫講好之計身在境外而權其國家為春秋予之故書

公子

非矣

案經書齊伐我十四始於此莒伐我三郛伐我三吳伐我一皆書鄙殺梁說是也惟哀公之編吳伐我齊國書伐我不書鄙者胡氏各有說○又案齊之伐魯雖由公子結之不共然魯自受

欽定四庫全書

卷六

鄭詹而背盟幽之信已得罪於齊矣齊宋伐魯之謀恐公羊亦得之但公子結又重齊之忿耳

春秋諸傳會通卷六

欽定四庫全書薈要卷一千六百三十二

經部

春秋諸傳會通卷七

元 李 廉 撰

莊公

二十年春王二月夫人姜氏如莒○夏齊大災張氏

火

曰災書大志其甚也齊人來告魯往弔之故書

案公羊曰大災者何大瘡也大瘡者何病也外災不書此何以書及我也注病者民疾疫也齊侯淫諸姑姊妹不嫁者七人所致此說無据不取

秋七月○冬齊人伐我

戎穀梁作我

張氏

齊桓於是舉攘夷之兵我在徐州之

域最近齊魯

故先治之也

二十有一年春王正月○夏五月辛酉鄭伯突卒○秋

七月戊戌夫人姜氏薨○冬十有二月葬鄭厲公

附錄

左氏王室事

左氏

莊公十二年莊王崩十三年僖王立十六年王命曲沃武公為

晉侯十七年僖王崩孫惠王立十八年虢公晉侯朝王皆賜玉五穀馬三匹非禮也王命諸侯名位不同禮亦異數不以禮假人虢公晉侯鄭伯使原莊公逆王后于陳陳鳩歸于京師實惠后十九年初王姚娶於莊王生子頹有寵及惠王即位薦國邊伯因蘇氏奉子頹以伐王不克奔衛衛師燕師

伐周二十年鄭伯和王室不克鄭伯遂以王歸處  
於櫟王子頽享五大夫樂及徧舞二十一年鄭虢  
胥命于弭同伐王城殺子頽王與之武公之畧自  
虎牢以東五月鄭厲公卒王巡虢守虢公為王宮  
于玆王與之酒泉鄭伯之享王也王以后之鞏錫  
予之虢公請器王予之爵鄭伯由是始惡於王為  
傷二十四年鄭  
執王使張本

# 二十有二年春王正月肆大眚

齊公羊作省

左氏

注赦有罪也易稱赦

過宥罪書稱眚災肆赦傳稱肆眚圜鄭皆放赦罪人  
蕩滌衆故以新其心有時而用之非制所常故書

穀梁

肆失也眚災也災紀也失故也為嫌天子之葬也注災罪惡紀治理也有罪當治理之今失之

者以文姜之故文姜罪應誅絕若胡氏肆者蕩滌不赦除衆惡而書葬嫌天子許之瑕垢之稱也



呂刑曰五刑之疑有赦五罰之疑有赦周官司刺掌赦宥之法一宥曰不識再宥曰過失三宥曰遺忘一赦曰幼弱再赦曰老龍三赦曰蠢愚未聞肆大眚也大眚皆肆則天討虧國典縱有罪虐無辜惡人幸以免矣後世有以姑息為政數行赦宥患妄宥賊良民而其弊益滋蓋流於此故諸葛孔明曰治世以大德不以小惠肆眚而曰大眚譏失刑

索肆眚之為赦罪杜氏穀梁同但穀梁以為為文姜之故已為臆說而杜氏亦無貶文則皆未至也公羊曰肆者何跌也大省者何災省也肆大省何以書譏始忌省也注謂子卯日也夏殷亡日先王常以此日省吉事不舉今魯有夫人喪忌省日不哭故譏之其說無義不敢取

癸丑葬我小君文姜穀梁

小君非君也其曰君何也以其為公配可以言小君也

胡氏

文姜之行惡矣而用小君之禮其無譏乎以書夫人孫于齊不稱姜氏及書哀姜薨于夷齊人

以歸考之則譏小君典禮當謹之於始而後可正也文姜已歸為國君母臣子致送終之禮雖欲貶之不可得矣

陳人殺其公子禦寇左氏

陳人殺其公子禦寇陳公子完與顓孫奔齊齊侯使敬仲

為卿辭便為工正初陳厲公蔡出也蔡人殺五父而立之生敬仲懿氏卜妻敬仲曰吉有嫡之後將育于姜五世其昌並於正卿八世之後莫之與京及陳之初亡陳桓子始大於齊其後亡也成子得政注陳宣公大子也陳人惡其殺大子之穀梁不言大夫未命名故不稱君父以國討公子告穀梁為大夫也公子之重視胡氏公子之重視大夫殺而或稱君或稱國大夫或稱人何也稱君者獨出於其君之意

而大夫國人有不與焉如晉侯殺其世子申生之類是也稱國者國君大夫與聞其事而不請於天子如鄭殺其大夫申侯之類是也稱人有二義其一國亂無政衆人擅殺而不出於其君則稱人如陳人殺其公子禦寇之類是也其一弑君之賊人人所得討背叛之臣國人之所同惡則稱人如衛人殺州吁鄭人殺良霄之類是也考於傳之所載張氏不稱世子未以觀經之所斷則罪之輕重見矣張氏誓於天子也未誓則稱公子重王命也禦寇乃君之適嗣為一國之儲貳而衆人得以殺之則其所以自處必有失其道者矣故劉氏譏禦寇之為人子足以殺其身而春秋略殺者之罪也

夏五月

案以五月首時范甯曰未詳諸傳皆以為下有闕文是也何休曰以五月首時者譏莊公娶仇

國女不可以事先祖奉四時祭祀猶五月不宜以首時此近穿鑿姑備于此

秋七月丙申及齊高傒盟于防左氏

注高傒齊之貴卿而與魯之微者盟

齊桓謙接諸侯以崇霸業

公羊

高傒齊之貴大夫曷為就吾微者盟公也公則曷為不言公諱與大

夫盟也

穀梁

不言公高傒伉也注書日則公盟也高傒驕伉與公敵體恥之故不書公

胡氏

微者名姓不登於史策高傒齊之貴大夫曷為就吾之微者盟蓋公也不言公諱與高傒盟也來議結婚

娶仇人女大惡也娶者其為吉下主乎已上

主乎宗廟以為有人心者宜於此焉變矣

案穀梁注曰微者盟不日故及宋盟宿及蘇子

盟女栗不書日者微者之盟也及高傒處父荀

庚良夫卻犢孫林父向戌皆書日者實公盟而

諱之也此說是矣杜氏恐失之公出國都而盟

惟高偃向戌蓋公不敢坐盟之此正與晉悼出  
長檮盟公相似然晉悼與公敵體則出而盟公  
可以為謙魯公屈體而從大夫卑莫甚矣○又  
案左氏記管仲曰有天子之二守國高在故國  
高二族皆  
齊上卿

冬公如齊納幣左氏

注公不使卿而親納幣非禮也母  
喪未再朞而圖昏二傳不見所譏

左氏又無傳  
失禮明故

公羊

納幣不書此何以書親納幣非禮  
也注納幣即納徵用玄纁束帛纓

皮時莊公實以淫泆大惡不可言故因其有事於納  
幣以無廉恥為譏不譏喪娶者舉淫為重也凡公之  
齊所以起淫者  
穀梁  
納幣大夫之事也公之  
胡氏  
親納幣非禮也故譏之  
公

如齊納幣則  
不待貶也

案納幣例三文二年公子遂譏喪娶成八年宋公孫壽昏禮不當使公孫也蓋昏常事不書凡書皆譏矣又禮有六禮納采問名納徵告期四者期親迎殺梁曰禮有納采問名納徵告期四者備而後娶納幣即納徵逆女即親迎春秋止書此二禮者以納幣方契成逆女為事終舉重之義也

## 二十有三年春公至自齊公羊

桓之盟不日其會不致信之也此之桓國何以

致危之也何危爾公一陳佗也

**張氏**

告于廟也聖人

注据柯盟不日不致陳佗外淫

以舉動之公往

返之節質之幽明而無愧也今莊公忘父讎而娶其

焉變

矣

案齊桓之編莊公與之會盟遇伐救者凡皆不  
書至獨三如齊書至者此三事皆為娶仇女而  
行也僖公與之會盟七不書至兩如齊亦不至  
獨伐楚伐鄭壯丘于淮書至伐楚伐鄭大其功  
壯丘于淮志其衰也當參公穀方通

# 祭叔來聘左氏

注穀梁以祭叔為祭公來聘魯天子內  
臣不得外交故不言使不與其得使聘

## 穀梁

其不言使何也天子之內臣也不正其外交故  
不與使也注天子案內諸侯叔名徐邈云祭叔

為祭

## 胡氏

祭伯來朝不言朝祭叔來聘不言使尹氏  
王子虎劉卷來討而不言其爵秩皆所以

公使

正人臣之義也人君而明此不容下比之臣  
人臣而明此不為交私之計黨錮之禍息矣  
**陳氏**王

不行於天下莊僖崩葬不見於經故自桓之  
中年王室無聘魯者於是祭叔私相為好也

案鄭氏曰諸稱使者皆是奉王命其人無自來之意今祭叔不一心於王而欲外交不得王命來故去使以見之此說是范氏意以為祭伯時不為王卿大夫欲外交而來通魯以其本無王命故不得言聘今祭叔見是天子大夫而恣意任情欲外接諸侯雖請王命非王本心故不稱使或以為祭叔亦無王命以是天子大夫假王命而來本非王命故不稱使也此亦足以明祭伯書來祭叔書聘之說然如徐邈說則亦不必疑矣但邈語亦未知所据何休以為公一陳佗故絕使若我無君因不與

天子下聘小人亦難取

# 夏公如齊觀社左氏

非禮也曹劌諫曰不可失禮所以整民也故會以訓上下之則制財

用之節朝以正班爵之義帥長幼之序征伐以討其不然諸侯有王王有巡守以大習之非是君不舉矣



欽定四庫全書

卷七

君舉必書書而不法後嗣何觀

注齊因祭社蒐軍實故往觀

公羊

何以書諸侯越竟觀社非禮也

注社者土地之主祭者報德也生萬物居人民德至

厚功至大故感春秋而祭之天子用三牲諸侯用羊

豕諱淫言觀社

穀梁

常事曰視非常曰觀觀無事之詞也是為尸女也無事不出

與納幣同義

竟注尸主也

胡氏

莊公將如齊觀社曹劌諫曰齊棄大公之法觀民於社君為是舉而

主為女往爾

往觀之非故業也天子祀上帝諸侯會之受命焉諸侯祀先公卿大夫佐之受事焉不聞諸侯之相會祀

也君舉必書書而不

不法後嗣何觀

案胡氏引曹劌之言出國語其上文即與左氏

所引相出入而又有先王制諸侯使五年四王

一相朝之說蓋國語所記詳而左氏略矣○又

案左氏襄二十四年齊社蒐軍實使客觀之是

齊因社以誇耀兵事非一日矣而程子曰昏議  
尚疑故公因觀社再往請議後一年方逆蓋齊  
難之觀此亦足以見齊桓欲親魯以圖伯而  
親之不以其道此說有見亦因穀梁發之

## 公至自齊

### 附錄穀梁

公如往時正也致月故也  
如往月致月有懼焉爾

### 荆人來聘

楚成以去年  
弑兄而立

### 左氏

注不書荆子使某來聘君  
臣同詞者蓋楚之始通未

成其

### 公羊

荆何以稱人始能聘也注春秋王魯因其  
始來聘明夷狄能慕王化修聘禮受正朔

者當進之故使稱人也稱人當繫穀梁善累而後進  
國而繫荆者許夷狄者不一而足穀梁之具曰人何

也舉道不待再注明聘問之禮朝宗胡氏荆自莊十  
之道非夷狄之所能故一舉而進之年始見于

經十四年入蔡十六年代鄭皆以州舉者惡其猾夏  
不恭故狄之也至是來聘遂稱人者嘉其慕義自通  
故進之也朝聘者中國諸侯之事雖蠻夷而能修中  
國諸侯之事則不念其猾夏不恭而遂進焉見聖人  
之心樂與人為善矣春秋謹華夷之辨而  
荆吳徐越諸夏之變於夷者故書法如此  
**陳氏**聘未  
有書  
人者其稱人何荆未有大夫也聘未有不稱便者其  
不稱使何荆未有君也荆未有君大夫而稱人於是  
始蓋進之也隱桓之春秋舍王室若姻鄰無聘魯者  
矣舍王室姻鄰無聘魯者而荆人先諸夏修聘於上  
國進之也  
**張氏**楚自四五年來先加兵於蔡鄭而  
聘使至魯已用遠交近攻之術矣  
者憂之也

案荆之聘魯三始書荆人繼書楚子使叔又繼  
書楚子使遠罷蓋進之以漸也其進之之義三  
傳皆同然荆楚之情每假禮以行其詐荆聘魯  
而旋有伐鄭之師介朝魯而繼有侵蕭之役秦

人歸襁來聘而意在河曲之戰其窺覘之謀  
離間之術常如此故陳氏張氏之說皆得之

公及齊侯遇于穀穀梁

及者內為志焉爾  
遇者志相得也

張氏

為昏姻而齊難

之也不可與為昏姻則當絕之數與之約然後與之  
書此所以著莊公之不子而齊桓之待人不以義也

蕭叔朝公

蕭令徐  
州蕭縣

左氏

注蕭附庸國叔名就穀朝公故  
不言來凡在外朝則禮不得具

嘉禮不

公羊

其言朝公何公在外  
也注惡公不受於廟

穀梁

微國之君未  
爵命者其不

野合

言來於外也朝于廟正也於

胡氏

穀齊地蕭叔附庸  
之君也為禮必當

外非正也疏書名附庸常例

其物與其所而後可以言禮大夫宗婦覲而用幣則

非其物也蕭叔朝公在齊之穀則非其所也嘉禮不

野合而朝公于外是委之於野矣故禮非其所君子

有弗受必反於正而後止此亦春秋撥亂之意也

案蕭叔左氏穀梁皆以為名胡氏以入中國附庸稱字之例正義曰蕭本宋邑宋桓公之立蕭叔大心有功焉宋人封以為附庸○又案蕭叔之朝公與僖公之朝王所其非地一也彼言所而此不言所者王者以天下為家無適而非所也

秋丹桓宮楹○冬十有一月曹伯射姑卒○十有二月

甲寅公會齊侯盟于扈

扈鄭地在滎陽卷縣西北

公羊

桓之盟不日此何以日危

之也何危爾我貳也魯子曰我貳者非彼然我然也注莊公有淫佚污貳之行動作有危故日之也穀

梁

注桓盟不日此盟日者前公如齊觀社傳曰觀無事之詞以是為尸女也公怠棄國政比行犯禮憂

危甚矣霸主降心親與之盟實有弘濟之功而魯得免於罪臣子所慶莫重於此時事所重文亦宜詳故

特謹曰 **胡氏** 程子曰遇于穀盟于扈皆為要結姻好也傳稱男子二十而冠三十而不娶則

以著之 非禮矣然天子諸侯十五而冠者以娶必先冠而國不可久無儲貳欲人君早有繼體故因以為節也鰥者老而無妻之稱舜方三十未娶而師錫帝堯已日有鰥在下矣妻帝之二女則不告於父母堯亦不告而妻焉其欲及時而無過如此也今莊公生于桓之六年至是三十六載矣以世嫡之正諸侯之貴尚無內主同任社稷之事何也蓋為文姜所制使必娶于母家而齊女待年未及故莊公越禮不顧如此其急齊人有疑如此其緩而遇于穀盟于扈要結之也娶夫人奉祭祀為宗廟之主而母言是聽不以大義裁之至於失時不孝甚矣春 **張氏** 至此又盟以結其秋詳書于策為後戒也 信而後許之也

案齊桓之編會盟惟此盟及葵丘書日此盟公羊以為危之范甯以為喜之二說稍不同穀疏

曰傳雖有桓盟不日信之文亦有不日數渝惡之事故知此日者喜伯者與盟也此時齊桓威德既盛與公結盟何得有危故范氏以為臣子所慶而詳之也然以上文三書至之法觀之則公羊說亦是

二十有四年春王三月刻桓宮桷左氏

非禮也御孫諫曰臣聞之儉德

之共也侈惡之大也先君有共德而君納諸大惡無乃不可乎外傳匠慶師曰無益於君而替前之令德臣故曰庶可公羊識何識爾穀梁禮楹天子諸侯黜己矣公弗聽公羊非禮也穀梁聖大夫倉士黜丹

楹非禮也天子之桷斲之譬之加密石焉諸侯斲之礱之大夫斲之士斲本刻桷非正也夫人所以崇宗廟也取非禮與非正而加之於宗廟以飾夫人非正也刻桓宮桷丹桓宮楹斥言桓宮以惡莊也疏稱宮

不忍斥之故謂之新宮今惡莊公不子故斥言桓宮以見之

**胡氏**

公將逆姜氏為盛飾以誇示之

此非特有童心而已自常情觀之丹楹刻桷疑若小失而春秋詳書于策御孫以為大惡何也桓公見穀于齊則不能復而盛飾其宮誇示仇人之女乃有亂心廢人倫悖天道而不知正者也御孫知為大惡而不敢盡言春秋謹禮於微正後世人主之心術者也故詳書于策斥言桓宮以惡莊為後鑑也

**葬曹莊公○夏公如齊逆女秋公至自齊公羊**

親迎禮也注薛

淫故使若以得禮書也禮諸侯既娶三月然後夫人見宗廟見宗廟然後成婦禮疏注言三月廟見者欲道莊公夫人未至于國而行婦事既非正禮明矣

**穀梁**

親迎恒事也不志此其志何也不正其親

迎於齊也迎者行見諸舍見諸先至非正也

**胡氏**

穀梁子曰不正其親迎於齊也

**陳氏**

親



女不書惟莊公持書之則以娶齊女也於是莊公生三十七年而在位二紀矣割於其母必齊女也而後娶齊人重要之為之親納幣而觀社遇于穀盟于扈一歲而三見於齊丹楹刻桷以飾夫人夫人猶踰時然後入大夫宗婦以幣覲此何禮也是故書逆書至而後書入夫人未有言入者入難詞也書逆以病莊公也書入以惡哀姜也亦以譏齊桓也春秋之書夫人未有詳於此者也据莊十一年傳齊侯來逆共姬不書

案逆女例五已見桓三年此條諸傳皆同惟公羊杜氏以為合禮非也

附錄

胡氏常事例

胡氏

所謂常者其事非一有月事之常則視朔是也有時事之常則

蒐狩烝嘗是也有歲事之常則郊社雩祭之類是也有合禮之常則婚姻納幣逆女至歸之類是也

凡此類合禮之常則不志矣其志則於禮不合將以為戒者也若夫崩薨卒葬即位之類不以禮之合否而皆書此人道始終之大變也其於親迎異矣

案趙氏祭祀昏姻賦稅軍旅蒐狩皆國之大事其合禮者夫子修經之時悉皆不書公穀云常事不書是也其非者及合於變之正者乃書之而增損其文以寄褒貶之意

# 八月丁丑夫人姜氏入左氏

注哀姜也公羊傳以為姜氏要公不與公俱入蓋以

孟任故丁丑入而明日乃朝廟

## 公羊

其言入何難也其言日何難也其難奈何夫人不僂不可使入

與公有所約然後入注僂疾也約約遠媵妾也夫人稽留不肯疾順公不可使即入公至後與公約定八月丁丑乃入

## 穀梁

入者內弗受也日入惡入者也何故為難詞也

子弟以薦舍於前  
其義不可受也

胡氏

何以不致不可見乎宗廟也  
姜氏齊襄公之女入者不順

之詞以宗廟為弗受也昏義以正始為先而公不與  
夫人皆至姜氏不從公而入己失夫婦之正弑閔孫  
邾之亂兆矣莊公不勝其母越禮踰時俟仇人之女  
薦舍於宗廟以成好合卒使宗嗣不立弑逆相仍幾  
至亡國春秋詳書其事以著  
莊公不孝之罪為後戒也

戊寅大夫宗婦覲用幣左氏

哀姜至公使宗婦覲用幣  
非禮也御孫曰男贄大者

玉帛小者禽鳥以章物也女贄不過榛栗棗脩以告  
度也今男女同贄是無別也外傳宗人夏父展曰非  
故也公曰君作故對曰君作而順則故之逆則亦書  
其逆也臣從有司懼逆之書於後也故不敢不告

公羊

用者不宜用也見用幣非禮也  
然則曷用棗栗云乎服脩云乎穀梁

禮大夫不  
見夫人不

言及不正其行婦道故列數之也男子之贊羔鴈推  
踞婦人之贊棗栗鬴脩用者不宜用也大夫國體也  
而行婦道惡之  
**胡氏** 禮夫人至大夫郊迎明日執贊  
故謹而日之也 以見宗婦大夫之妻也公事曰  
見私事曰覲見夫人禮也曷為以私言之夫人不可  
見乎宗廟則不可以臨諸臣故以私言之也覲用幣  
何以書男女同贊是無別也公子牙慶父之亂兆矣  
春秋詳書正始之道也

**大水公羊**

注夫人不制遂淫二叔  
陰氣盛故明年復水也

**冬戎侵曹曹羈出奔陳赤歸于曹**

公穀經以赤歸  
于曹郭公為句

**左氏**

注羈蓋曹世子也先君既葬而不稱爵者微弱不能  
自定曹人以名赴亦曹僖公也蓋為戎所納故曰歸  
**胡氏** 杜預謂羈蓋曹世子也曹伯已葬猶不稱爵者  
以微弱不能君故為戎所逐爾赤者曹之庶公

子歸易詞也宋人執鄭祭仲而忽出突歸權在宋也  
戎侵曹而羈出赤歸制在戎也使鄭忽曹羈明而能  
斷雖有宋戎之衆突赤之孽何緣而起以國儲君副  
不能自定其位於誰責而可故雖以國氏皆不書爵  
為居正  
者之戒

案羈赤之事惟杜氏得之公羊曰曹羈曹大夫  
也曹無大夫此何以書賢也何賢乎曹羈戎將  
侵曹羈諫曰戎衆以無義君請勿自敵也曹伯  
不可三諫不納遂去之故君子以為得君臣之  
義也亦者何曹無赤者蓋郭公也郭公者何失  
地之君也穀梁曰赤蓋郭公也何為名也禮諸  
侯無外歸之義外歸非正也二家大意皆以為  
郭國之君名赤不能自治其國舍而歸于曹其  
說不通  
不取

郭公左氏

注蓋闕誤

胡氏

先儒或以為郭亡於傳有之齊桓之郭問父老曰郭何故亡曰以其

善善而惡惡也公曰若子之言乃賢君也何至於亡父老曰郭君善善而不能去所以亡也考其時與事謂之郭亡理或然也夫善善而不能去則無貴於知善惡惡而不能去則無貴於知惡未之或知者猶有所覲也夫既或知之不能行其所知君子所以高舉遠引小人所以肆行而無忌憚也然則非有能亡郭者郭自亡爾

二十有五年春陳侯使女叔來聘左氏

始結陳好也嘉之故不名注女

氏叔字季友相魯原仲相陳二人有舊故女叔來聘季友冬亦報聘嘉好接備卿以字為嘉則稱名其常

也

穀梁

其不名何也天子之命大夫也

陳氏

諸侯初交聘也前乎此非王室若姻鄰無聘魯

者於是交聘齊

桓公為之也

案女叔稱字穀梁啖子張氏皆以為命大夫獨  
公羊注以為敬老而書字其說曰禮七十雖庶  
人主孝而禮之疑非  
春秋之意不敢取

夏五月癸丑衛侯朔卒

惠公也

○六月辛未朔日有食之

鼓用牲于社

杜氏以長歷推辛未實七月朔置閏失所故致月錯

左氏

非常也唯正月之朔

惡未作日有食之於是乎用幣于社伐鼓于朝注正月正陽之月夏之四月周之六月也日食歷之常惟

食於正陽之月則諸侯用幣于社請教於上公伐

鼓于朝退而自責此辛未實七月朔故以為非常

公

羊

日食則曷為鼓用牲于社求乎陰之道也以朱繇營社或曰脅之注求責也社者土地之主月者土

地之精上繫於天而犯日故鳴鼓而攻之脅其本也  
朱繇營之助陽抑陰也先鼓後牲者先以尊命責之  
後以臣子禮接之所以為順也書

**穀梁**

言日言朔食

者善內威懼天災應變得禮也

也用牲非禮也天子救日置五麾陳五兵五鼓諸  
侯三麾三鼓三兵大夫擊門士擊柝言充其陽也

**胡**

**氏**

案諸侯旅見天子入門不得終禮者四而日食與  
焉古者固以是為大變人君所當恐懼修省以答

天意而不敢忽也故夏書曰乃季秋月朔辰弗集于  
房瞽奏鼓晉夫馳庶人走周官鼓人教日月則詔王

鼓大僕凡軍旅田役贊王鼓救日月亦如之諸侯用  
幣于社伐鼓于朝退而自責皆恐懼修省以答天意

而不敢忽也然則鼓用牲于社何以書譏  
不鼓于朝而鼓于社又用牲則非禮矣

**張氏**

古人應天

以實不以文盾征周禮所載禮文之末  
耳今莊公貌然於充陽之本鼓何益乎



案日食而鼓用牲于社三此年六月及三十年九月文十五年六月諸說皆用左氏獨公羊以

為得禮未

知孰是

伯姬歸于杞穀梁

不言逆何也逆之道微無足道焉爾

胡氏

逆者非卿名姓不登於史

策則書歸以志禮之失也大夫來逆名姓已登於史策足以志其失矣猶書歸者以別於大夫之自逆者也猶書歸者紀伯姬是也自逆者莒慶齊高固是也

秋大水鼓用牲于社于門左氏

亦非常也凡天災有幣無牲非日月之眚不鼓

公羊

于社禮也于門非禮也

穀梁

既戒鼓而駭衆用牲可以已矣救日以鼓兵救水以鼓衆

疏知不合用牲者以用者不宜用也鼓者所以發陽也

冬公子友如陳左氏

注報女叔之聘諸魯出朝聘皆書如不果彼國必成其禮故不稱朝

聘春秋之常也公

公羊

注內朝聘言如者尊內也書者錄內所交接也朝京師大

子友莊公之母弟

國善有加錄文如楚有危

文聘無月者比於朝輕也

案此內大夫出聘之始而亦季氏之始事也當

隱桓莊之間上而周近而齊有來聘者矣魯曾

無報謝之禮而女叔一來季友旋造陳庭繼又

躬行以會原仲之葬則陳魯之交蓋出於季友

原仲之私情矣至行父初立首講陳好

猶前志也春秋託始於此豈無意乎

二十有六年春公伐戎夏公至自伐戎張氏

為追于濟西之恥報

怨也莊公治國家之多缺而勞師于戎雖

能復怨何益於內治乎踰時書至危之也

曹殺其大夫左氏

注不稱名非其罪也

公羊

何以不名衆也

胡氏

稱國以殺者國

君與用事大夫與謀其事不請于天子而擅殺之也  
義係於殺而見殺者之是非有不足紀則止書其官  
曹殺其大夫宋人殺其大夫是也義係於人則兼書  
其名氏楚殺其大夫得臣陳殺其大夫洧治之類是  
也古者諸侯之卿大夫士命于天子而不敢專命有  
罪則請于天子而不敢專殺及春秋時國無大小卿  
大夫士皆專命之而不以告于王朝有罪無罪皆專  
殺之而不以歸於司寇無王甚矣五伯三王之罪人  
而葵丘之會猶曰無專殺大夫故春秋明書于策備  
天子之禁也凡諸侯大夫方其交政中華會盟侵伐  
雖齊晉上卿止錄其名氏至於見殺雖曹莒小國亦  
書其官或抑或揚或奪或予聖人之大用也明此然  
後可以司賞  
陳氏  
凡殺大夫恒名之此其不名何惡  
罰之權矣  
君也莊公卒有戎難羈出奔陳赤

於是篡曹篡而殺其大夫則必不義其君者也宋杵  
曰無道而殺大夫則亦不義其君者也是故曹富公  
之大夫不名宋昭  
公之大夫不名

案曹殺大夫公羊以為前年曹羈諫曹伯禦我  
曹伯不聽而死於我諸大夫不伏節死義嗣子  
立而誅之不書名者衆也曹伯之死不書者為  
曹羈諱也殺梁以為此大夫即曹羈曹伯不用  
其言乃使出奔他國終於受戮君子愆之不名  
者賢之也其說迂晦不明不可取大抵羈出赤  
歸之際必有不附於赤者故赤殺之爾杜氏陳  
氏之說得之但僖公二十五年宋成公殺其大  
夫無傳  
不可考

秋公會宋人齊人伐徐

張氏考據左氏  
古本無公字

左氏

注宋序齊  
上主兵

胡氏

案書伯禽嘗征徐我則我在徐州之域為魯患舊矣是年春公伐我秋又伐徐者必我與徐合

兵表裏為魯國之患也故雖齊宋將卑師少而公獨親行其不致者役不淹時而齊人同會則無危殆之

憂矣

冬十有二月癸亥朔日有食之

二十有七年春公會杞伯姬于洮左氏

非事也天子非展義不巡守諸

侯非民事不舉卿非君命不

胡氏

伯姬莊公女非事而特會于洮愛其

越竟注伯姬莊公女洮魯地

女之過而不能節之以禮此春秋所禁也惟不節之以禮然後有使自擇配如僖公之於季姬而典訓亡矣

夏六月公會齊侯宋公陳侯鄭伯同盟于幽左氏

同盟于幽

陳鄭服也注二十二年陳亂而齊納敬仲二十五年鄭文公之四年獲成於楚皆有貳心於齊今始服也

穀梁

同者有同也同尊周也於是而後授之諸侯也其授之諸侯何也齊侯得衆也桓會不致安之

也桓盟不日信之也信其信仁其仁衣裳之會十有一未嘗有歃血之盟也信厚也兵車之會四未嘗有大戰也愛民也疏前同盟于幽諸侯尚有疑者令外內同心推桓為伯得專征伐之任成九合之功故傳

詳其

胡氏

同盟之例有惡其反覆而書同盟有諸侯事也胡氏同盟而書同盟此盟鄭伯之所欲而書同

盟者也凡盟皆小國受命於大國不得已而從焉者也其有小國願與之盟非出於勉強者則書同盟所以志同欲也前此鄭伯嘗貳於齊矣至是齊桓強盛有伯中國攘夷狄之勢諸侯皆歸之鄭伯於是焉有

畏服之心其得與於盟所欲也故特書司穀梁子所謂於是而後授之諸侯是也其授之諸侯齊侯得衆也視他盟  
**陳氏** 齊初主盟於  
**張氏** 再舉同盟之禮以爲愈矣  
是書公矣  
之心也魯宋陳鄭皆至而衛獨不來故明年伐衛

案衣裳兵車之說止見穀梁傳范注曰自十三年會北杏十四年會鄆十五年會鄆十六年盟幽二十七年盟幽僖元年會榿二年會貫三年會陽穀五年首戴七年寧母九年葵丘此衣裳之會十有一也僖八年會洮十三年會鹹十五年壯丘十六年會淮此兵車之會四也其兵車四會穀梁皆發傳固無可疑獨衣裳十有一而論語則曰管仲桓公九合諸侯不以兵車於是起諸儒之異說矣范氏以爲貫與陽穀本非管仲之意故去貫與陽穀爲九鄭玄以爲北杏

經文非諸侯故曰自柯之明年葵丘以前去貫  
與陽穀固已九合矣於是或分葵丘會盟為二  
或又不分葵丘而增入公子結之盟或又解與  
字作數字以為去貫而毀陽穀以足九合之數  
劉炫難之曰若以葵丘會盟為二則首戴亦可  
為兩公子結本雖會安得數之於諸侯之盟貫  
與陽穀並非管仲之功何得去貫而數陽穀二  
三之說皆無据劉氏乃數洮會入九合而以爲  
兵車止三會然傳文不應兩處皆誤也大抵北  
杏之會穀梁既以為齊侯宋公則范氏說庶幾  
可合但衣裳兵車本只穀梁一家之說陸氏深  
所不取而論語九合朱子亦用展喜之言而訓  
九為糾則諸家紛紜可不必辯矣國語又曰兵  
車之屬六乘車之會三韋昭以北杏二鄆榿  
淮為兵車陽穀首止葵丘為  
乘車皆聽度無据之言耳



秋公子友如陳葬原仲左氏

非禮也原仲季友之舊也注原仲陳大夫原氏仲字

也禮臣既卒不名故字

**公羊**

原仲者何陳大夫也大夫不書葬此何以書通乎季子之私行也何

通乎季子之私行辟內難也君子辟內難而不辟外難內難者何公子慶父公子牙公子友皆莊公之母弟也慶父牙通乎夫人以脅公季子起而治之則不得與于國政坐而視之則親親因不忍見也故終是復請至于陳穀梁言葬不言卒不葬者也不葬而

**胡**

而葬原仲也穀梁曰葬諱出奔也注辟內難而出氏私行也人臣之禮無私交大夫非君命不越境何以通季子之私行而無貶乎曰春秋端本之書也

京師諸夏之表也祭伯以寡內諸侯而來朝祭叔以王弼大夫而來聘尹氏以天子三公來告其喪証上行私未不正矣是故季子違王制委國事越境而會葬齊高固莒慶以大夫即魯而圖齊其後陳莊子死

赴喪於魯繆公名縣子而問焉曰古者大夫束脩之問不出境雖欲哭焉得而哭諸令之大夫交政於中國雖欲勿哭焉得而勿哭末流可知矣春秋深貶王臣以明始亂備書諸國大夫而無譏焉則以著其效也凡此皆正其本之意

案春秋書大夫之葬止此在氏傳是故啖子胡氏啇固之公穀二說皆以季子辟內難而出雖於此條不合然在三十二年子般卒之下則合矣

冬杞伯姬來左氏

歸寧也凡諸侯之女歸寧曰來出曰來歸夫人歸寧曰如某出曰歸于某

公羊

其言來何直來曰來大歸曰來歸

胡氏

禮父母在歲一歸寧若歸而合禮則常事不書

其曰來者不當來也女子有行遠父母兄弟春會于兆冬又歸魯故知其不當來也來而必書春秋於男

女之際

嚴矣

莒慶來逆叔姬左氏

注慶莒大夫叔姬莊公女卿自為逆則稱字

公羊

莒無大夫

此何以書譏何譏爾大夫越境逆女非禮也

穀梁

諸侯之嫁子於大夫主大夫以與之來者按內

也不正其接內故不與夫婦之稱也注接內謂與君為禮也夫婦之稱當言逆女

胡氏

叔姬何以

稱字大夫自逆則稱字為其君逆則稱女尊卑之別也何以書諸侯嫁女於大夫而公自主之非禮也

杞伯來朝左氏

注杞稱伯蓋為時王所黜胡氏注同

公羊

注杞夏後不稱公者春秋黜杞

新周而故宋以春秋當新王

張氏

杞為三恪桓之篇以侯書今稱伯者國小力微故降爵以自儕

於小國杞之自侯而伯自伯而子蓋浸以微弱也

案杞妣姓公爵夏禹之裔也武王克殷求禹後  
得東樓公而封之九世至成公見春秋自桓以  
來本稱侯爵後為時王所黜故莊二十七年來  
朝稱伯成公用夷禮故僖二十三年為夫子所  
貶稱杞子卒二十七年來朝稱杞子至文十二  
年成四年十八年來朝復稱伯襄二十九年來  
盟復貶稱子此左氏杜氏之言也若如公羊之  
言則凡桓公篇稱杞侯者皆作紀而杞則王者  
之後本稱公但春秋黜杞而伯之後之稱子者  
以微弱為徐莒所脅而貶之也胡氏於杞子辛  
下云杜預謂杞實稱伯而書子者成公始行夷  
禮終其身故仲尼貶之則胡氏意亦以為杞本  
伯爵故於此條下無注矣然胡氏本不信時王  
黜陟之說則是棄杜預之前說而用杜預之後  
說也竊嘗考之周封三恪獨微子以三仁之賢  
得以統承先王修其禮物故其命之曰庸建爾

于上公尹茲東夏杞雖王者之後然東樓本無大功德豈遽錫以公侯之上爵乎入春秋之始莒以微國尚伐杞而取其邑則杞之微乎微可知已不待夫子之時而文獻不足也是故論三恪之實則宋以微子之賢作賓王豕陳以武王之賴其利器用妻以元女故宋爵公而陳爵侯杞之為侯本無所据但胡氏畧而不言注公羊者拘於王者之後稱公注左氏者泥於桓公編杞侯之誤為是紛紛耳餘已見桓二年滕子下

# 公會齊侯于城濮

城濮衛地

## 左氏

王使召伯廖賜齊侯命且請伐衛以其立子頹也先

是十九年蘇子奉子頹奔衛衛師燕師伐周立子頹注賜齊命為侯伯會于城濮將討衛也齊欲討衛而會魯於此定其交而後加兵所以見其謀之審也

## 張氏

二十有八年春王三月甲寅齊人伐衛衛人及齊人戰

衛人敗績左氏

齊侯伐衛戰敗衛師數之以王命取賂而還注齊侯稱人者諱取賂而還以賤

者告不地者

公羊

伐不日此何以日至之日也戰不

史失之也

伐人者為客伐者為主故使衛主之也曷為使衛主

之衛未有罪爾敗者稱師衛何以不稱師未得乎師

也注用兵之道當先至竟侵責之不服乃伐之今日

至便以今日伐之起其暴也伐人者為客見伐者為

主未得乎師者未

穀梁

於伐與戰安戰也戰衛戰則

得成列詐戰也

何為微之今授之諸侯而後有侵伐之事故微之也

其人衛何也以其人齊不可不人衛也衛小齊大其

以衛及之何也以其微之可以言及也其稱人以敗

何也不以師敗於人也注齊桓始受方伯之任未能

信者鄰國致有侵伐之事貶師稱人以微之也人不可以敵于師師不可以與人戰故亦以衛師為人衛非有

**胡氏**

春秋紀兵及者為主齊人舉兵而伐衛衛人見伐而受兵則其以衛及之何也案左

氏則齊人舉兵乃奉王命聲衛立子頤之罪而討之也為衛計者誠有是罪當服刑可也若惠徵康叔不泯其社稷使得自新亦惟命則可免矣今不徵詞請罪而上逆王命下拒方伯之師直與交戰則是衛人為忘乎此戰故以衛主之也戰不言伐伐不言日而書日者戰之日也見齊人奉詞伐罪方以是日至而衛人不請其故直以是日與之戰所以深疾之也而聖人之情見矣齊稱人將卑師少也

**陳氏**

齊稱

人貶之也數之以王命取賂而還是桓公不以王命討衛也向也王室有四方之事雖伐鄭不服救衛無功而執芮伯立晉侯於是猶討樊仲皮也自討樊仲皮而王命不見於傳記桓公為之也

案伐衛之役三傳皆貶桓公公羊以為去年同盟衛懿公以未終喪之故不能與會則衛未有罪也穀梁以為齊方受方伯之任不宜遽有侵伐之舉左氏雖有王命之說然取賂之罪不可掩矣獨胡氏以為予齊罪衛之說又與三家皆不合竊原其意蓋以春秋書伐而戰者三齊伐衛而戰宋伐齊而戰吳伐齊而戰其事同然羸戰以宋及齊此不以齊主之則非貶齊可知矣春秋戰書人而敗書師者三紀戰之燕人城濮柏舉之楚人敗皆稱師此獨書衛人敗績則貶衛可知矣艾陵之戰日在伐下紀之戰日在戰上而此以日加於伐之上則齊方至而衛即戰可知矣此胡氏所以為考據之精也然考之去年同盟于幽衛已不至桓公毋亦本有怒衛之心因假王命以伐之歟當十九年衛燕立子頑之際桓公方圖伯事固當聲罪致討以明王之



義乃邀然不顧今而討之又以取賂而還六事何足詳哉故以左氏賜命之說為有則齊侯伐衛之說不可謂無以王命之說為有則取賂之說亦不可謂無春秋書齊人而不書侯正與楚丘緣陵之城不列序高子之來盟不稱使同一書法不然果奉王命討有罪何不書齊侯以天之典伐楚司乎胡氏拘於將卑師少之例意有未備當兼陳氏說為是

夏四月丁未邾子瑱卒○秋荊伐鄭公會齊人宋人救

鄭

公羊宋人下有邾人

左氏

楚令尹子元欲盞文夫人為館於其宮側振萬馬夫人聞之泣曰先君以

是舞也習戎備也令令尹不尋諸仇讎而於未亡人之側不亦異乎秋子元以車六百乘伐鄭入于桔秩之門入自純門及達市縣門不發楚言而出子元曰鄭有人焉諸侯救鄭楚師夜遁鄭人將奔桐丘謀告

楚幕有  
高乃止

公羊

注書者善中國能相救

穀梁

善救鄭也

胡氏

案左氏楚子元無故

以車六百乘伐鄭入自純門則陵弱暴寡之師也故以州舉狄之也鄭人將奔諸侯救之楚師夜遁是得救急恤鄰之義也故書救鄭善之也齊宋稱人將卑師少桓公主兵攘夷狄安中國之事見矣

案通經書救二十三而桓公之救五焉此年及閔二年救邢僖元年救邢六年救許十五年救徐也此為桓公安攘之始事然齊宋將卑師少而公獨親行公亦善相齊桓矣是時楚文王卒國有內難楚兵不至中國者十年今子元又以嘗試齊也我公不顧荆人一聘之私而勇往於伯主之義春秋所予也

冬築郿

郿公穀作微

左氏

非都也凡邑有先君之主曰都無曰邑邑曰築都曰城

公羊

諱以凶年造邑也注使若先造邑而後無麥禾者惡愈也

**穀梁**

山林藪澤之利所以與民共也虞之

非正也

**胡氏**

鄆邑也凡用功大曰城小曰築故館則書築臺則書築園則書築鄆邑而書築者創

作邑也其志不視歲之豐凶而輕用力於其所不必為也則非人君之心矣

案三傳皆以為築邑但公羊此條與成十八年築鹿園皆云虞之非正也似以為田獵之地恐

未必

然

**大無麥禾公羊**

注書於冬者五穀畢入計食不足然後書也

**穀梁**

大者有顧之詞也於

無禾及無麥也注一災不書於冬無禾而後顧錄無麥故言大明不收甚

**胡氏**

麥熟於夏禾成於秋

而書於冬者莊公惟宮室臺榭是崇是飾費用浸廣調度不充有司會計歲入之多寡虛實然後知倉廩

之竭也故於歲杪而書曰大無麥禾大無者竭之詞也古者三年耕餘一年之食九年耕餘三年之食今莊公享國二十八年當有九年之積而虛竭如此所謂寄生之君也民事古人所急食者養民之本不敦其本而肆侈心何以為國故下書臧孫告羅以病公而成來世為國之不知務也

# 臧孫辰告羅于齊左氏

饑臧文仲告羅于齊禮也注經書大無麥禾傳書饑傳又先書

饑與告羅在集郿上者說始羅經在下須得羅嫌或諱饑故曰禮又外傳曰魯饑臧文仲言於莊公曰夫為四鄰之援結諸侯之信固國之艱急是為鑄名器藏寶財國民之珍病是待令國病矣君盍以名器請羅於齊公曰誰使對曰國饑饕餮卿出告羅古之制也辰也備卿辰請如齊公使往從者曰君不命吾子吾子請之為選事乎文仲曰賢者急病而讓夷居官者當事不避難文仲以宅圭與玉磬如齊告羅齊人歸

其王而與之

**公羊**

告糴者何請糴也何以不稱使以爲臧孫辰之私行也君子之爲國

必有三年之委一年不熟告糴譏也注據國事  
行當言如諱使若國家不遺大夫自私行糴也穀梁  
一年不升告糴諸侯不正故舉臧孫辰以爲私行也  
國無九年之畜曰不足無六年之畜曰急無三年之  
畜曰國非其國也諸侯無粟諸侯相歸粟正也臧孫  
辰告糴于齊告然後予之言內之無外交也古者稅  
什一豐年補敗不外求而上下皆足雖累凶年民弗  
病也一年不艾而百姓饑君子非之不言如爲內諱  
也

**胡氏**

劉敞曰不言如齊告糴而曰告糴于齊言如  
齊則其詞緩告糴于齊則其情急所以譏大

臣任國事治名而不治實之蔽也魯人悅其名而以  
急病讓夷爲功君子責其實而以不能務農重穀節

用愛人

**張氏**

不言水旱而言大無麥  
禾天時人事兩不足也

爲罪

案胡氏急緩之例則如楚乞師其情緩矣劉敞說本服虔

# 二十有九年春新延廐

左氏傳有作字

## 左氏

書不時也凡馬日中而出日中而入

注日中春秋分也

## 公羊

修舊也何譏

## 穀梁

延廐者法廐也其言

治廐當以秋分

新有故也有故則何為書也古之君人者必時視民

之所勤民勤於力則功築罕民勤於財則貢賦少民

勤於食則百事廢矣冬築微春新延廐以其用民力

為已悉矣注法廐者天子十二闕邦國六闕此六闕

之舊

## 胡氏

言新有故也何以書昔韓昭侯作高門屈宜舅曰不時所謂時者非時日也人固有

利不利時前年秦拔宜陽今年旱君不以此時恤民

之急而顧益奢此所謂時誅舉贏者也此下全引穀

案新作例三此條及僖二十年新作

南門定二年新作雉門及兩觀也

夏鄭人侵許左氏

凡師有鐘鼓曰伐無曰侵輕曰襲

張氏

許鄭世讎也然自盟幽之

後不與齊桓之會鄭人侵之或齊之命歟自後許始從中國

秋有蜚左氏

為災也凡物不為災不書

公羊

記異也注蜚者臭惡之蟲象夫人惡行言有者

南越盛暑所生非中國所有也穀梁同

冬十有二月紀叔姬卒左氏

注紀國雖滅叔姬執節守義故係之紀賢而錄之穀

梁注

胡氏

紀已滅矣其卒之何見紀侯去國終不能自立異於古公亶父之去故特書叔姬卒

而不卒紀侯以明其不爭而去則可能使其民從而不釋則微矣

城諸及防左氏

書時也凡土功龍見而畢務戒事也火見而致用水昏正而歲日至而畢注今

九月周十一月角亢晨見東方三務始畢戒民以土  
功之事大火心星次角亢而見者致築作之物十月  
定星昏而中樹板幹而興公羊注諸君邑防臣邑  
作日南至微陽始動而息公羊言及別君臣之義穀  
梁可城也以大及小也注傳例凡城之志皆譏此云  
可城者得土功之節則譏之淺失土功之時則責  
之深不謂作  
城無譏也

案城防又見

襄十三年

三十年春王正月○夏師次于成

左氏經無師字

左氏

注將卑師少故

直言次齊將  
降鄭故設備

穀梁

次止也有畏也欲救鄭而不  
能也不言公恥不能救鄭也

陳氏

次于滑也書公于郎貶師之此其但書次何以是為  
不足書也甚矣莊之不競於齊也君父死焉不能討



謀紀而齊滅紀及齊國郕而郕降于齊於是次成齊人降鄆雖罪齊桓訖莊公之身不可不貶也

張

氏

任公輔曰人微師少不見於經當從公穀書師成魯地趙氏曰魯蓋欲會齊國鄆至成待命聞鄆已

降不復行耳以前會城濮明年獻捷考之理必然也

案諸說不同胡氏無傳疑杜氏說是

秋七月齊人降鄆左氏

注鄆紀附庸國小國孤危不能自固蓋齊逞以兵威脅使降附

公羊

紀之遺邑也降之者取之也不言取為桓公諱也外取邑不書此何以書盡也注盡取其邑惡

不仁之甚也

穀梁

降猶下也

胡氏

降者脅服之詞前書鄆降于齊師意責魯也此言齊人降

鄆專罪齊也鄆附不書鄆降而曰降鄆者以齊之強故罪之深以鄆之微故責之薄春秋之法抑強扶弱

明道義也伯者之政以強臨弱急事功也故曰  
五伯三王之罪人仲尼之徒無道桓文之事者

八月癸亥葬紀叔姬左氏

注以賢錄也無臣子故不作諡

公羊

隱之也國滅矣

夜葬乎叔爾

穀梁

不日卒而日葬閔紀之亡也

胡氏

賢叔姬也

九月庚午朔日有食之鼓用牲于社○冬公及齊侯遇

于魯濟

魯濟魯地

左氏

謀山戎也以其病燕故也注山戎北狄

穀梁

及者內為志焉爾遇

者志相得也

張氏

簡禮以議軍旅之事所謂定其交而後求者歟

齊人伐山戎公羊

此齊侯也其稱人何貶曷為貶子司馬子曰蓋以操之為己感矣此蓋戰

也何以不言戰春秋敵者言戰桓公之與戎狄驅之爾注時桓公力但可驅逐之而已而乃迫殺之甚痛

故去戰敗見其  
事惡不仁也

**穀梁**

齊人者齊侯也其曰人何也愛齊侯乎山戎也其愛之何也桓

內無因國外無從諸侯而越千里之險北伐山戎危之也則非之乎善之也何善乎爾燕周之分子也貢

職不至山戎為之伐矣注遠伐山戎雖危勤

**胡氏**

齊人

王職貢則善言不以齊侯敵山戎故稱人

者齊侯也其稱人譏伐戎也自管仲得政至是二十年未嘗命大夫為主將亦未嘗興大眾出侵伐故魯莊十一年而後凡用兵皆稱人者以將卑師少爾今此安知其非將卑師少而獨以為齊侯何也以來獻戎捷稱齊侯則知之矣夫北戎病燕職貢不至桓內無因國外無從諸侯越千里之險為燕闢地可謂能修方伯連帥之職何以譏之乎桓不務德勤兵遠伐不正王法以譏其罪則將開後世之君勞中國而事外夷舍近政而貴遠畧因吾民之力爭不毛之地其患有不勝言者故特貶而稱人以為好武功而不修

文德者之戒也然則伐楚之役何以美之其謂退師召陵責以大義不務交兵而強楚自服乎觀此可以見聖人強本治內柔服遠人之意矣

案外傳曰齊桓南征伐楚濟汝踰方城望汶山使貢絲于周而反荊州諸侯莫敢不來服遂北伐山戎剽令支斬孤竹而南歸海濱諸侯莫敢不來服攘白翟之地至于西河方舟設泚乘桴濟河縣車東馬踰大行與辟耳之谿拘夏西服流沙西吳南城周反胙于絳嶽濱諸侯莫敢不來服而大朝諸侯于陽穀此雖戰國間誇大之詞然亦足以見桓公勞師遠伐之實故具于此

### 三十有一年春築臺于郎左氏

注劉奢且非土功之時

公羊

譏臨民之

所歛浣也注即泉臺也未成為郎臺既成為泉臺見文十六年傳近民歛浣為賁下也

胡氏

何以

書屬民也何休曰禮天子有靈臺以候天地諸侯有時臺以候四時去國築臺于遠而不緣占候是為遊觀之所屬民以自樂也屬民自樂而不與民同樂則民欲與之偕亡雖有臺豈能獨樂乎

# 夏四月薛伯卒張氏

薛始稱伯降班而告終也

案薛以隱十一年來朝稱侯今稱伯諸傳皆無文杜氏以滕紀降爵皆以為時王所黜此獨不注或以為齊桓所黜亦未有考胡氏於此亦無傳不知用何例張氏或主沙隨程氏已見滕子下

# 築臺于薛

薛魯地

# 公羊

譏遠也

# 六月齊侯來獻戎捷左氏

非禮也凡諸侯有四夷之功則獻于王王以警于夷中國

則否諸侯不相遺得注獻奉上之公羊齊大國也曷

詞齊侯以獻捷禮來故書以示過威我也其威我奈何旗獲而過我注建旗縣所獲得

而過魯以威恐怖魯也刺齊桓驕慢恃盈非所以就霸功也穀梁內齊侯也不言使內與同不言使也注春秋尊魯故曰獻齊桓內救中國外攘夷狄

親倚之情不以齊為異國胡氏軍獲曰捷獻者下奉故不稱使若同一國也上之詞齊伐山戎以

其所得躬來誇示書來獻者抑之也後世宰臣有不賞邊功以沮外微生事之人得春秋抑戎捷之意餘

引左氏

案獻捷例二胡氏於此條兼用左氏公羊之說

穀梁以為內齊侯而不稱使蓋拘於楚人使宜

申之例不知此乃齊侯自伐戎歸道經魯而躬

來也其言軍獲曰捷者得之又曰戎殺者蓋因

管子有出戎菽及冬蔥布之天下之說故以戎為豆非也

# 附錄

左氏

## 左氏

襄八年鄭伯獻獲司馬變于邢丘是獻俘謂之捷也襄二十五年鄭

子產獻陳捷于晉此時鄭使司空致地司徒致民于陳則不以俘歸矣是無因而獻功或空有器物亦稱獻捷也又成二年晉使鞏朔獻齊捷于周王使單襄公辭焉曰蠻夷戎狄不式王命王命伐之則有獻捷王親受而勞之所以懲不敬勸有功也

# 秋築臺于秦

東平范縣西北有秦亭

## 公羊

譏臨國也注言國者社稷宗廟朝廷皆為國臨

社稷宗廟則不敬

## 穀梁

不正罷民三時虞山林藪澤之利且財盡則怨力盡則慙

臨朝廷則泄慢

君子危之故謹而志之也或曰倚諸桓也桓外無諸侯之變內無國事越千里之險北伐山戎為燕辟地

魯外無諸侯之變內無國事一年罷  
民三時虞山林藪澤之利惡內也

冬不雨左氏

注不書早不為災例見僖三年

公羊

記異也注京房易傳曰旱異者旱久而不

害物也斯祿去公室福由下作故陽雖不施而陰道獨行以成萬物也先是比築三臺慶牙專政之應

案經書不雨例七趙子曰凡經時不雨告廟則書此年及僖二年冬三年春夏兩書皆每時而一書也文二年十年十三  
年三書皆歷時而總書也

三十有二年春城小穀左氏

為管仲也注小穀齊邑濟北穀城縣城中有管仲井

大都以名通者不係國公感齊桓之德故為管仲城私邑

穀梁

注小穀魯邑

張氏

泰山孫氏

曰小穀魯地曲阜西北有小穀城胡氏曰孫魯人也而終身學春秋其考此事詳矣



案小穀公羊無傳穀梁及孫氏胡氏張氏皆以  
為魯邑故書法比於內城而左氏以為為管仲  
城者蓋昭十一年楚申無宇曰齊桓公城穀而  
實管仲焉至于今賴之此其案也纂例亦從之  
以楚丘下陽等不係國之例例之則杜氏說亦  
可通但僖公七年夫人會穀二十六年公以楚  
伐齊取穀實桓公子雍於穀二十八年使申叔  
去穀襄十九年士句侵齊至穀後又有齊師遠  
穀七里之說經傳皆止書穀而未有言小穀者  
則杜氏為不通矣且桓公之有功於魯只在高  
子來盟之後此時桓未見有功之  
迹考之前後皆不合故當從穀梁

夏宋公齊侯遇于梁丘

梁丘在齊州昌邑縣

左氏

齊侯為楚伐鄭之故請會于諸

侯宋公諸先見于齊侯夏遇于梁丘注齊善宋之請見故違其班

穀梁

遇者志相得也梁丘在曹

邾之間去齊八百里非不能從諸侯而往也辭所過  
遇所不過大齊桓也注謂八百里間諸侯必有願從  
者而不之遇乃  
**張氏**書先宋公者齊不以霸主自  
速遇宋公也居以梁丘近宋而先之也

案齊侯欲伐衛而先會魯欲謀鄭  
而先遇宋魯宋之輔伯誠有功矣

# 秋七月癸巳公子牙卒左氏

初公築臺臨黨氏見黨氏  
女孟任從之闕而以夫人

言許之割臂盟公生子般焉公疾問後於叔牙對曰  
慶父材問於季友對曰臣以死奉般也公曰卿者牙  
曰慶父材成季使以君命命僖叔待于鍼巫氏使鍼  
季醢之曰飲此則有後於魯國不然死且無後飲之  
歸及達泉而卒立叔孫氏  
**公羊**何以不稱弟殺也殺  
注不以罪誅故得書卒則曷為不言刺為季

子諱殺也曷為為季子諱殺季子之過惡也不以為  
國獄緣季子之心而為之諱季子之過惡奈何莊公

病將死以病召季子于陳季子至而授之以國政曰寡人即不起此病吾將焉致乎魯國季子曰般也存君何憂焉公曰牙謂我曰魯一主一及君已知之矣慶父也存季子曰夫何敢是將為亂乎夫何敢哉而牙弑械成季子和藥而飲之曰公子從吾言而飲此則必可以無為天下戮笑必有後乎魯國飲之飲之無僂氏至乎王堤而死公子牙今將爾辭曷為與親弑者同君親無將將而誅焉然則善之與曰然殺世子兄弟直稱君者甚之也季子殺母兄何善爾誅不得辟兄君臣之義也然則曷為不直誅而酖之行誅乎兄隱而逃之使託若**胡氏**牙有今將之心而季子以疾死然親親之道也殺之其不言刺者公羊以為善之也陸淳曰季子恩義俱立變而得中張氏夫子書其自卒以示無譏也得之矣餘引公羊古者公族有死罪則啓于甸師氏刑于隍者不與國人處兄弟也牙之誅乃魯國存亡之幾慶父成敗之

決春秋取其過惡救亂所以原其心而為之諱也

案叔牙之事惟公羊詳諸家皆從之若如左氏則只以慶父材一語而遂殺之亦無此理杜氏曰牙慶父同母弟誼傳叔又曰慶父莊公庶兄又曰公子友莊公之母弟是慶父與牙同母而莊公與友同母也莊二十七年公羊傳曰公子慶父公子牙公子友皆莊公之母弟也二家不同要之杜氏得之蓋慶父伐於餘丘時莊公年方十五不得有弟能主兵且慶父以孟為氏是長庶之明證也傳稱季友文姜之愛子與公同生是友為莊公母弟之證也但慶父本孟氏而經皆書仲孫者仲其字也共仲其諡也其後子孫以字為氏而時人猶以其長房而稱孟氏也劉炫以為慶父欲同於正適言已少次莊公為三家之長故以莊為伯而已為仲也其說亦通

此三家之由始  
故詳具于此

八月癸亥公薨于路寢穀梁

路寢正寢也寢疾居正寢正也男子不絕于婦人之

手以齊終也

胡氏

趙匡曰君終必於正寢大位妾之窺危病邪之伺也若蔽於隱是女子小人得

行其志矣然則莊公以世嫡承國不為不貴周公之後奄有龜蒙不為不强即位三十有二年不為不久薨于路寢不為不正而嗣子受禍幾至亡國何也大倫不明而宗嗣不定兵柄不分而主威不立得免其身幸矣

案魯十二公得終于路寢者三公莊宣成而已啖子曰君薨必書其所重凶變也

冬十月己未子般卒左氏

公薨于路寢子般即位次于黨氏初霄譚于梁氏女公子

穀梁

觀之國人薨自牆外與之戲子般忘報之公曰不如殺之薨有力焉能投蓋于稷門冬十月己未共仲使國人薨賊子般於黨氏成季奔陳立閔公注子般莊公太子先君未葬故不稱爵不書殺諱之也女公子子般妹也閔公莊公羊何君存稱世子君薨稱子集既葬稱子踰年稱公子般卒何以不書葬未踰年之君也有子則廟廟則書葬無子不廟不廟則不書葬

子卒日正也不日故也  
野卒正也十月子亦卒故也閔公不書即位已

顯其繼故則子

胡氏

莊公過時越禮謬于大僻不告而娶之義甚矣而子般乃孟任

般可以書日也

之所出也胡能有足乎雖享國日久獲終正寢而嗣子見弑幾至亡國有國者可不以為戒哉

案魯嗣子卒者三子般子亦子野先君未葬則名之父前子名也既葬不名亦是也

# 公子慶父如齊左氏

注慶父既殺子般季友出奔國人  
不與故懼而適齊欲以求援時無

君假赴告  
之禮而行 **公羊**

注如齊者奔也是時季子新斃牙慶  
父雖歸獄鄆扈樂猶不自信於季子

故出也不言奔者起季

**穀梁**

此奔也其曰如何也諱  
莫如深深則隱苟有所

子不深其情不暴其罪

**穀梁**

莫如深深則隱苟有所

見莫如

**胡氏**

子般之卒慶父弑也宜書出奔其曰如  
齊見慶父主兵自恣國人不能制也莊

深也

公幼年即位專以兵權授之慶父歲月既久威行中

外其流至此故於餘丘法不當書而聖人特書慶父

帥師以志得兵之始而卒書公薨子般卒慶父如齊

以見其出入自如無敢討之者以示後世其垂戒之

義明且

**張氏**

慶父雖弑子般而尚未能取國者季子  
之黨未順而秉禮之人心未盡從也故

遠矣

因閔公之立告於伯主以為自託之計齊桓以方伯

自任與魯為鄰豈不知慶父為弑君之賊容其來使

使之復歸以遺魯後患即此見其無討賊之實意而有取魯之私心春秋書慶父如齊著齊桓失方伯連帥之職也

案經書內臣如齊不以

他故者二十始於此

狄伐邢

邢在廣平襄國縣

張氏

邢姬姓周公之胤狄北狄前此雖未見於經然自伐邢而滅衛

三年之間塗炭兩國首以伐書著其強也

案莊公在位三十二年乃無志不立之君也春秋自九年以前書進王姬會伐衛次于滑狩于禚及圍成盟既納糾皆罪其忘復讎之義也自十年以後齊桓方興國事未立故長勺之役魯勢稍振兩敗宋師劫齊歸地齊桓亦屈意結魯以成伯業故數年之間魯國無事正當明其政



刑以貽後嗣而乃受制文姜娶仇女以續宗祀  
三年三至齊廷遇穀盟扈皆為姻好而出未聞  
秉禮之君若是也故自二十四年以前書納幣  
觀社丹楹刻桷逆女用幣皆為一經之特筆然  
多虞有孟大水日食之迭見天意未忘乎魯荆  
人蔡叔蕭叔杞伯之迭至人心尚歸乎魯幽之  
盟城濮之會魯濟之遇伯主亦有資乎魯宜可  
以有為也而乃勤民縱欲築郛新廐城諸防城  
小穀一歲而三築臺馬坐置其國於宴安沈酣  
之域欲無危得乎至於亂本之成始於文姜成  
於哀姜而孟任之嬖女公子之侮家道泯然矣  
豈特慶父之得兵權而已哉故張氏曰春秋自  
夫人孫齊以來三十年間備載莊公內治之失  
而終之以子般問公之事所以罪其為風教之  
本而不免於首惡  
之誅也得之矣



春秋諸傳會通卷七



覆校官檢討臣季學錦

校對官檢討臣郭寅

謄錄監生臣李炯